

四庫全書

史部

# 欽定四庫全書

史部

雲南通志卷二十六

詳校官給事中臣李臺

刑部郎中臣許兆椿覆勘

總校官知縣臣楊懋珩

校對官編修臣盧遂

謄錄監生臣徐如灝

欽定四庫全書

雲南通志卷二十五

仙釋

附方技

自青牛西去白馬東來羽客縑流盛行中土矧山  
峙老君地隣天竺漸染最久服習尤深者耶夫釋  
老之學自東周後漢以還時有盛衰而終莫能廢  
則以其道要乎致虛守寂葆性全真內可淡嗜欲  
之私而外可卻身名之累雖與儒者修身淑世之

道旨趣不同而願力之堅深精神之凝一固有不  
甚懸殊者茲編所錄類多脩然出世吐棄一切適  
志清虛游神冥漠誠得其沈靜高明之意而踐之  
網常倫教政事民物之間安見二氏之必無與於  
儒術哉至於曲藝專長苟臻超絕利濟一時亦未  
可沒而不傳也志仙釋方技附焉

雲南府

唐

道

清郡人楊氏子精研內典有苦行感現觀音大士遠近化之蒙氏號融通大義法師化日有

彩雲出火中舌根  
不壞色若蓮花

覺

印郡人號脫空戒律精嚴母亡廬墓刺血寫經學道於五臺飛錫滇池結茅以居名曰樂道  
晚歸五臺沐焚而逝三日異香不散其  
焚化處相傳獲舍利數百產芝三莖

元

蓮峯禪師

名宗照劍川段氏子祝髮受具遍歷諸山了達祖乘至正間遊晉寧東山謂似曹溪

遂建盤龍寺居焉一日沐浴書偈云三界三途何  
佛何祖不破便有能破便無擲筆而逝門人塔全

身於寺師以八月十九日  
生至今中秋滇人禮之

大雲

不知何許人或云少以義經登進士居長安邸中夢大士拊其背曰子於空門大有宿緣

覺而白光滿室香氣襲人因棄官禮天覺和尚祝髮遊天臺山習止觀晚年入滇棲三泊大雲山創

華嚴寺因號大雲縉流聞風屢滿蘭若中統間還大都不知所終

無照

即曲靖普魯吉人父仕元生照於安寧離襁褓即瞑目跌坐髻年依本郡虎邱寺雲巖薙髮

後詣天目謁中峯本明言下契悟嗣臨濟二十世還曲靖構菴棲息菴有龍湫墮葉觸波必遭風雨

照安禪制之龍徙去遂即其地創正法寺尋入昆明梁王建佛寺於太華山以居之示寂後得舍

利累累於靈骨門人建塔寺左

迦

羅姓趙氏通唐梵諸書大德間昆明池有蛟化為美少年挑淫婦女父老請治之羅遣黑貌

蠻奴擒至以水噉之化為蛟斬之  
蠻奴即大黑天神也後不知所終

蘇忠先

安寧人事母極孝性喜飲放達不羈家貧力學諸子百家無所不究負母入岱歲山中結

廬耕食自娛得異人授役龍術松林村田苦無水即鑿龍泉清冽異常灌溉山田凡數十頃一日元使者齎金帛往召蘇應諾款使者於山中至夜半屋宇四圍俱金龍繞現有吞吐狀使者駭而逃焉里人稱為真隱先生云

明

劉真人

名淵然贛州人年十六師趙元陽授大丹訣能呼風致雨洪武間被召擢右正一永樂初

遷左正義尋謫真居北山龍泉觀洪熙初召還賜號長春真人

賀真人

名以正昆明人神采秀發超然物表師劉真人畫得其秘被召歷至靈演法左正一賜號

洪濟真人

劉真人

號可成洪武間居祿豐之南隅有仙術城中苦無水真人為掘大井於東街水清冽而甘

邑人利之西河有水怪渡者多遭沉溺真人以符籙除之其害乃已後奉詔詣京禱無不應封降魔真人

趙

護

太和人家世習降龍法傳至父賜洪武間召入京賞賚甚厚遣還護迎父至滇會滇池孽

龍為厲滇人詣護求治之護坐海口演法龍去患除

楊用廣

號雷谷餘姚人遇異人得五雷法永樂初以事謫宜良祈禱輒應八十餘容如少年一日



謂門人曰三日後雨雪  
吾脫塵凡矣至期果然

梁道士

不知何許人居易門有道術易門艱於泉梁  
以蠟為三龍置隙地俄湧三泉其上泉之龍

止一目今泉中魚亦一目又有  
廟在石澗山梁檄神一夜移之

布

張

昆明人有異術嘗為一嫗作豫修齋嫗持所  
寫明文示張一見盡焚嫗曰書此數日矣今卒

然何以辨此張曰具十筆硯一夜可成嫗潛窺見  
十人皆同貌五鼓書畢張於送神時伏地不起諦  
視惟衣冠在地而已後又有人數見焉直指使以  
為妖欲收之乃趨黔國公家乞白布一丈坐其上  
今兩徒掖之走少頃抵安寧黔國請其術張畫門  
於壁以手叩之門啓中有宮室甚麗黔國疑不入  
俄而無有其幻異類如此嘗欲以術傳僧鐵峯峯  
不受遂示蛻於陞山之虛凝菴已而鄉人復遇於

大理

劉士寬

江西人幼而目盲年十六遇異人以金銀投之遂明因授其術年八十餘自蜀入滇齒髮

不衰入夜篝燈兀坐不睡其談尊生以養氣為主年九十忽見數輩入稱青城山使者迎為觀主遂逝是日太平寺僧夢寬取茗十餘斤且言欲入蜀僧異而訪之始知已死

張善信

通海人寓安寧因誦經有省後遇異僧攜至天竺示以蓮臺善信見為火坑不敢渡僧貽

土一撮水一瓶以歸久之大悟宗旨居二十餘年化去人取上塑像傾水於地遂湧甘泉至今不絕

永亨

字道隆昆明人住山三十餘年頓悟宗旨化後舍利無數

雲山和尚

昆明人幼祝髮精戒律宣德間召至京演菩提妙義授僧錄司左覺義遣歸大學士

金幼孜作  
詩送之

古

庭

昆明丁氏子七歲出家禮慈宗名善賢復禮  
百巖改名善堅御史張某見而奇之曰此子

三十年後當佩祖印隨入金陵謁無隱今看萬法  
歸一語晝夜參求忽闕圓覺經至身心俱幻遂畫

然自釋再走金臺返滇省喟然曰目前境界非我  
能畱死生來安可息也復遊貴州尋入蜀脇不

至席心地發明時年止二十三耳正統間叅無際  
授印記傳臨濟二十三世號古庭旋歸滇開堂歸

化寺法侶雲集弘治六年示寂塔  
全身於寺東所著有山雲水石集

淨

輪

號大魏郡人俗姓康得法古庭倡無際宗風  
成化中卓錫都城創萬福寺道法大振別號

竹室有  
竹室集

真

圓

得昆陽楊氏子幼祝髮為普照寺僧後叅無際

知寂期明太史楊慎為著松風菴記

豁

渠

姓鄧內江人年二十遇異人授以無為之旨

剛經頌瑩然明徹及入青城山耳邊嘗有報將然  
事者語同叅玉峯峯曰修行被鬼神勘破乃落靜  
境耳時有內監邀渠供養至之夕內監夢神責云  
汝以劣相妄希大道覺而告之渠遂辭蜀入滇至  
大理李元陽館於三塔寺為落髮因寄玉峯云太  
湖落髮一佛出世以渠初號太湖也晚益超悟嘗  
謂在雲南所得是相外消息在嶺南所見是相內  
光景再抵武陵叅道林凡宇內名山無不遊歷後  
不知  
所終

如慧

號寶峯蜀賈也入滇以五利起家已而變起

石直指李柄親叩法要遠近來謁者無虛日慧不勝煩乃攜徒無礙入伏牛山臨化作偈遣徒謝衆

而去

段頭陀

晉寧人朱顏白髮佯狂市中每食松栢葉有叩者輒為藝語時出一二言根極微妙偶過

南關指市廛云某處至某處當大既而武定難作如其所指

李破罐

不知其居於宜良巖泉山石洞常攜破罐入市凡有所得無論鹽米蔬果俱入罐中煨

食若無所得即拾鵝卵石煨食人問之曰芋也取食果半每於龍泉洗罐翻裏向外洗淨仍翻如故

因呼曰李破罐後不知所終

徐道廣

昆明人嘉靖時修真於楚雄之元真觀能書符咒水除崇役使鬼神禳災祈雨時黔府瘟

疫醫不能療遣使求符遇道廣於烏龍寺方食活鱷即以鱷血書二符使笑之道廣起擲一符於水

田中忽見鱷百餘以首捧符使始驚訝持符入府每夜見符上火光燭屋疫遂止其餘靈異不可殫

述後封雷霆都吏

提脚道人

姓名不傳萬厯初至滇住北郭外龍王廟以繩提左足趾而行佯狂笑謔人不能測

天明入城乞食晚歸其所門卒思窘之日未晡即欲閉門道人已至嘗披一衲終歲不滌亦無垢

又時至蓮花池吐腸出洗一夕至塚間化去葬廟側滇人有遊武當者遇於南巖宮衣服顏貌如舊

云

萬

卉

安寧州龍應寺釋子童年即警嘗背誦華嚴經八十一卷滔滔如湧泉時有獨契禪宗之

號

本

源

昆陽甸頭村人萬歷二十九年棄家為普照寺僧遂遍謁名山歷吳楚閩粵東至普陀落

伽山北渡青徐燕冀出邊塞轉而至秦由秦入蜀登峨眉山經一十三載後歸結庵碁盤山息止觀

御史傅宗龍慕其戒行往迎之住錫普賢寺念碧雞關下數十里紆迴曲折雨苦泥濘募工自夏家

窰至省障水築堤修橋梁成坦道行旅便之其生平功行類此年九十四坐化

本

鐵

字定堂嵩明李氏子年十四謁道心薙髮誠實精進遍歷名山三十餘年大有所得歸至

曲靖有按察唐豫夢神僧次日見鐵與夢相符為重修東山梵剎謂人曰此禪師再來人也後至本

郡清水塘建勸善樓至難足建寂光禪寺居十有  
八載諸方僧謂之當代宗師一日謂衆云撒手歸

來路不迷靈機煞活在全提幾回力盡  
心圓處坐脫孃生鐵面皮端坐而逝

昌

容

號權實昆明趙氏子七歲出俗十九圓具掩  
闕六年後叅余山和尚得法更號定峯開堂

說法僧徒雲集容自幼究心內典時有靜會每經  
行林下機之所觸即成吟咏示寂之日索筆留偈  
曰不作凡不作聖圓明一點無虧無膜  
書竟趺坐而逝有嘯獅山語錄行於世

釋

禪

號本無昆明人俗姓張名初俊性穎悟博涉  
經史萬厯間落髮召至京授以僧錄司左善

世賜紫衣銀鉢如鳩摩羅什歸與副使馮時可友  
善後卓錫麗江府請建悉檀寺著有風響集老子

註解楞嚴懺禪  
師頌諸集行世



讀

徹

號蒼雪呈貢人俗姓趙戒行堅苦有才名崇禎間遊江南住華山與董其昌陳繼儒吳偉

業唐宇昭輩友善有金陵懷古詩云石頭城下水宗宗西望江關合抱龍六代蕭條黃葉寺五更風

雨北門鐘鳳凰已去臺邊樹燕子仍飛磯上峯杯土當年誰敢盜一朝伐盡孝陵松示寂後江浙名

士以詩言者甚衆吳偉業一章曰說法中峯語句真滄桑閱盡刑間身宗風實處都成教慧業通來

不礙塵白社老應空世相青山我自笑詩人縱教落得江南夢萬樹梅花孰比鄰其愛惜如此吳中

至今誦之

羅國珍

安寧人崇禎間以敗木破瓦架屋於永安橋側日拾暴骨瘞之遇人輒令念佛父亡廬墓

哀毀骨立一日往辭州守曰某日道人欲回去人啗其顙至期黎明坐橋中念佛闔郡往觀有讚其

生西方者國珍頻足曰  
即此便是言訖而逝

大千

河南人崇禎間住淨蓮寺山苦無水師拜經  
百日泉忽湧出值嚴霜烈日嘗露坐山野間

有飯之者隨多寡輒盡  
或數日不食亦不餓

本朝

靈藥

湖廣人天童法嗣順治十八年來滇住富民  
之九峯山時荆榛翳蔽野獸逼處人不敢入

藥卓錫於此虎豹潛踪清泉湧出  
乃開山建寺八載功成留偈而逝

無語

迤西人住富民靈芝寺誦經靜室冬不爐夏  
不扇者三十餘年時跌坐山巔雉鳥羣集土

人所供衣食咸分給貧乏康熙二十年忽聚衆告  
曰老僧來年此日與衆別矣至期果沐浴而逝室

中異香三  
日不散

溥

晚號蘭谷江南人戒行精嚴康熙四十二年入京請梵本藏經來滇建樓貯之

勅賜名報國寺并御書詩匾開壇講經滇人多敬禮之

曲靖府

唐

阿闍黎

段姓人呼段長老幼得驅龍術不事符牒凡請禱立應人有自遠方來迎者但令先往其

人抵家彼已  
先在坐矣

明

鏡中長老

正統間住南寧真峯山苦行四十餘年夜嘗以念珠撒地一一探之仍拍貫成串竟

夜不寢侍者問何苦如是曰不苦不真吾以伏魔耳一夕有盜入室勒取衣鉢欣然與飲食遣之比

曉尚旋繞廊廡間相率膜拜還其物乃慰之歸後以建寺卜地得一龍潭祝曰爾借我地爾亦有功

次日泉果遷於山巔今泉溜樹杪繞寺廊焉

所

菴

名真澄郡人張氏子年十五慕王龍發光和尚思見之適園中柿熟欲取作供甫登樹遽

墮地昏昏入夢中赴光座下光曰汝事辦否曰已辦及甦猶仆墮處遂悟生死不在色身乃禮光受

五戒年十八謁古梅於曲江為難髮且令遍叅天下名師澄至北都歷叅諸宿久之至千佛寺依徧

融遂嗣融後嘗往來五臺創寺難足每開講多所發明

大千

大同人七歲出家來滇居南寧王龍庵庵苦乏水師虔拜山坳中得水一泓年五十餘徹

夜誦經虎常守戶後百歲無疾而逝

道

蓮

字白齋蜀人也初來郡住朗目山苦行自持採山蔬自給并日而食山下人有布施者則

曰吾不須此爾當以之孝養父母守戒律絕世故居山足不至城市土人呼為碧眼神僧

朗目大師

號慧光郡人李氏子萬歷間得法於嶽禪師次叅徧融蒙印可居桐城金谷岩跪誦

華嚴經三十年忽悟曰佛祖寧為一家設乎遂出世旋至京師請藏歸住普照寺講楞嚴未畢忽辭

衆端坐而逝上聞賜金立塔於朗目山之高峯

惟敬

號梵庵貴州人俗名洪上於崇禎十年與兄洪中避亂來尋甸鍾靈山時寺僧欲創一庵

有數人同夢二獅登榻及旦二洪至坐榻上願祝  
髮於此遂留主庵庵名音吼嘗有虎至惟敬馴服  
之不復啞人樵牧見之避惟  
寺中有吉凶將至則虎為之吼

# 本朝

## 道

瑞

蜀人俗姓王年十三祝髮於奉聖禪院初名  
景瑩幼即留心宗旨其師一日講楞嚴至七

處徵心入還轉見問其師曰心是何心見是何見  
師不能答遂徧參諸方得悟上乘順治間至郡住  
府東山報恩寺建大悲閣奉大士  
像開堂說法壽七十三端坐而逝

## 海

航

字濟舟馬龍人孔氏子幼不茹葷二十得度  
戒行高潔通宗門要旨開律堂於覺照庵遠

近宗之康熙十五年八月初四日集眾示偈曰虛  
空非大我身非小要知面目明月皎皎端坐而逝

臨安府

日月

姚

成

郡人少孤磊落不喜章句慨然慕冲舉術人勸之娶不應俄遇異人飲以酒香氣馥郁仰

觀天表若有所見遂能言風雨陰晴及休咎事雜以滑稽人咸異焉手寒一芭蕉葉四時皆有青色又晨起戲為人致書燕邸比暮果持手扎而歸居無何失其所在

王

盤

通海人日與羣兒嬉戲元夜以一大郡銀花火樹兒閉目騎之風聲盈耳至一大郡銀花火樹

駭人心目夜半歸謂之曰適往江南觀燈耳

風搖頭

姓名無考弘治間至石屏歛廬垢席坐卧不常狂呼嫚語人不能測有問者輒搖頭因呼

風搖頭一日湖內有船欲覆乃以手作  
扶掖狀遂得濟比登岸跡之不知所往

溫

成

號大機魯人叅禪見性居府  
西指林寺化時年一百二十

畔

富

新興人幼不茹葷依天常寺受戒遊通海涉  
秀山相水脈乃於東北石筍叢起處以杖穿

之水隨  
下淺

法

建

通大乘能詩文正德間為石屏諸天  
寺主號悟機和尚沐浴端坐而化

慧

心

號妙空通海馬氏子祝髮秀山不識文字惟  
反觀冥坐常禮觀音大士十年如一日忽感

甘露灌頂之異遂通諸經過目能誦遇禱雨默  
然危坐靈雨應之後至省城建節竹寺居焉

無窮和尚

嶧峨蔡氏子母戴氏夢日輪當空有娠及  
生不茹葷甫離襁褓便知趺坐長而出家



落駿遍歷名山說法開堂聲  
重京國化於武定之獅山

楊善哉

明末寓三泊雲龍山一佛殿旁居常裸體或數日不食或一日數食喜看書每冬浴澗中

夏日圍爐人問道輒云善哉善哉故人以名之居三載遊府城普菴寺先日云將歸去次日告寂

桂

輪

頓悟精解內典崇禎間為皇堂都講衍大乘

經賜紫衣鉢杖號毘尼和尚年八十餘無疾而逝

本朝

李金階

字建白郡庠生生有異質目光射人性篤孝嗜學精於易親殽蕭然有出塵志避跡山中

一日有道士求濟建白以鹽與之既去鹽復在故處追之不及歸而漸狂或長卧經月不食或一餐

斗粟不飽或雪中赤身卧石上久之遂能前知言  
多奇中城南有石洞伏蟒傷人建白居之患遂絕  
除夕題詩有明年辭別  
舊家鄉之句隔歲果卒

劉可成

寧州人年三十隱華蓋山結廬古塚旁僅容

之物進者輒呵拒之晚年辟穀日飲酒雖履霜卧  
雪無寒色年七十鬚髯復長齒落更生一日書偈  
云亥時閉子日開七十餘年去  
復來遂坐化越七日香軟如生

澂江府

明

默然

新興人幼入空門苦心參悟年八十端坐說  
偈曰寂寂空門苦心參悟年八十端坐說

本來同呀明月  
與清風乃示寂

李熹吾

新興人遊江湖學道七十餘年至廣通羅川寺見羣蜂旋繞中殿欲止熹吾開襟呼曰來

來來盡納之須臾不見謂人曰吾其逝矣沐浴具衣冠辭衆坐化是日兩迤知識莫不見之

### 本朝

鐵道人

趙姓河陽人少孤未婚娶慕太乙皇極之理學之數年一日忽顛狂行歌市中數日不食

亦不饑性喜鐵取鐵釧約兩臂鐵蘊為腰帶鐵箸鑽匙及刀劍之類咸繫之身約百餘觔行路鋸鋸

然人飲之酒醉則枕鐵而臥無所苦呼為鐵道人後遊彌勒蘇氏家言禍福多奇中一日蘇他往語其弟曰汝兄出我欲歸不及別矣沐浴瞑目而逝其弟哭曰吾兄供師三載竟不待其回而一言

金史卷之八十二  
待之次日蘇回合掌致謝而逝我

黃天順

新興人不婚娶佯狂行乞有遺以衣履者盡

色能吞銀銅瓦礫或戲與巴豆丸者服數十粒無恙康熙二十七年按察許宏勳贈以金不受拾零星小塊燕之後不知所在

武定府

明

補鍋匠

無姓名不言以啞子稱永樂間常憇獅山往來村落間業補鍋有從學者不索謝但令負

擔前行數載人不識也一日於南門外獅山道上陳柴枝作三字云要南下安然而逝土人異之收

棺木未瘞越三日屍不見  
傳啞子又在省城補鍋

邊

遁

正德間住獅子山土婦鳳氏往謁不為禮且曰汝不修行當為廁蟲矣鳳怒夜遣人刺之

至則為巨人所縛雞鳴更使往視亦被縛懇請於乃以法釋之因拂衣去鳳又使人邀之業渡金  
沙江矣遙顧使者曰  
若主真當變蟲竟去

牧

童

郡人幼時牧牛山中與同儕對奕忽遇異人教之棋遂無敵以此名於一時後遍遊江湖

回至黔西逆旅間忽  
遇前人呼之偕去

王來豫

號景雲精通元理煉丹  
祿勸仙臺山後屍解去

本朝

真

一 吳人幼業儒不偶流俗欲遍歷海內名山遂

書法於釋曲  
多所闡發

廣西府

明

唐風子

瀘山人知書事父孝朝為人傭暮則歌咏父亡

呼之嚴冬大雪卧石上蒸汗如雨衣敝以繩綴牛

馬骨披馬或食鐵及瓷瓦齒聲楚楚好事者趨謁

叩禍福皆不答有時謾語又切中其隱微一日取

刀刈草頃之客有乘騎來者唐取草飼馬且曰不

聽吾言故至此馬為浹下崇禎末嘗語人云滿眼

皆沙又云水來矣沙難留矣乙酉以後始悟所謂

沙者指定洲水指流寇耳丁亥為寇卒  
所執逼令速殺刃至其頸白氣湧出

## 元江府

明

月光道人

正德間雲遊至郡結茅金鰲山麓兀坐不  
言日啖菜根少許如是數年忽不知所在

人往覓之見壁間書一絕云壺中夜夜種金蓮劍  
光飛過赤霞天蓬萊此去無多路只在山人拄杖

前始知  
其仙矣

陳羽士

嘉靖間棲東山玉皇閣神氣俊爽目光如電  
呼嘯風雷無延晷刻郡嘗早興至城中甘露

隨注居二十  
年疏化去

大理府

後漢

楊波遠

時地莫考相傳為東漢人唐永徽中常騎三角青牛遊蒼洱間後遇迦葉波於三陽峯下

以石案設供具石長廣丈許遠止以一手持之後不知所終石今存

唐

沖舉仙

棲蒼山鶴雲峯四十餘年常坐一石或時與人奕一日辭衆曰當以明日行矣次午果登

石乘雲而去

壽海

姓周氏南詔時三年不雨請天竺僧白胡師禱之雲布無雨師以竿撥雲雨隨竿注不能



遍及師曰汝國必有聖僧盍往求之或告南天祠有其人王名不赴與師往謁乃壽海也師見海即拜王驚問對曰吾師也王視其額上有五字印遂禮敬之因請雨救民海曰昔湯旱七年以身代犧六事自責天乃雨此人君有道格天之驗今王殺及無辜天地閉鬱不知悔罪何從得雨王乃悔懼誓不虐民已而果雨

道

安

河東人住大常寺嘗欲建浮圖有洪水自

安建寺於上害遂息化之夕室有毫光五彩及茶毘頂骨現奄室利伽訶阿六梵字人以寶瓶盛其骨化為水或謂

為文化身云

惟

中

姓張氏傳荷澤正派建法真中自是衲子知有曹溪矣

李成眉

人稱李賢者初建寺蕩山祝曰寺若久佛當從室中至次辰五華樓佛像已在殿中南詔

重建崇聖寺時成眉為司廚侍者殿成南詔謂眾曰殿中三像以何為中尊眾未及對賢者厲聲曰

中尊是我王怒其不遜流之南甸無何坐化甸人茶毘瘞之塚時有光商人以為寶也啓其骨貨之

富人購造佛像如故王聞而異之遂迎奉於崇聖寺作中尊

青

榜

葉榆人姓楊氏每講經時有雨花之異

施頭陀

葉榆人通禪悟勤禮誦宗家以為得觀音圓通心印其法嗣皆以道行聞於時

小

澄

南詔時難足山僧也與二僧同住一菴澄入城乞食南詔王問其識何法門澄云能令死

者生極樂國或願生入棺中試之王如言屬澄起棺開視則誠死矣王代懇丐活澄許之其人復甦

言所生境界與澄言同後還舊庵問食於二僧二僧曰汝在城乞食許久不裹糧來反欲食耶遂之澄遂走叩迦葉石門門訔然中開澄入二僧追至門已閉走如故乃大悔恨焚身門外焚處生柏二株或謂澄迦葉化身也

張建成

喜州人唐時入覲過成都大慈寺適寺鐘新成僧戒曰擊鐘一聲施金一兩建成連扣八

十僧驚問故曰南使張建成也僧嘆曰佛法南矣遂為更名成化受心宗而歸

白伽師

南詔時尊為國師時天旱饑饉師衣食萬眾皆取給室中蓋神化也

五代

午正和尚

往下關東津梁寺段思平興復曾豫知之

宋

無言和尚

李氏子嘗持一鉢入定鉢內火光出則晴白氣升則雨一日講法華經有老人來聽

聽畢乘風雷去衆驚問之曰洱海龍也

慈濟

洱海東北有危石懸立峻壁下臨深淵濟日拜佛其上至今呼為禮拜石

元

照本

風有慧根遍叅名宿嘗詣天目謁中峯將至峰語其徒曰當有客自雲南來汝持鏡迓之

本至見鏡曰師教我矣徒問故曰吾名照本師令我照見本來耳徒白峯峯奇之留數年盡得法要日贈以歌序嘗語趙孟頫謂雲南三僧皆堪負荷照本其一也

妙觀和尚

至元間講華嚴經感金甲神現像之異集楞嚴纂要註十卷又誦金剛經有白光如

輪久而不散作金剛方語集解一卷又有華嚴心鏡元談輔翼及外集諸書皆發明宗旨茶毘日舍利瑩然

圓

護

尚大理人號念菴初號無念遊大方見中峯和尚中峯以羅什捧鉢永嘉無念無生之旨叩

之答曰我之無念異乎所聞什師過在絕念不起永嘉過在任念自起二皆有偏念也我之無念則心體靈湛寂然不動如鏡鑒象如燈顯物未嘗毫髮隱也中峯深肯之為作無念字說嘗夢神授書法凡書字右腕洞如水晶因號為玉腕禪師崇聖寺佛都二大字竝石刻證道歌皆其手書

明

無

極

名法太和感通寺僧洪武癸亥走間道入覲獻白駒一山茶一上臨軒納之茶忽開一

花上喜親為詩紀之勅翰林院學士  
賦詩以賜厚慰遣還詩載大理志

楊

黼園太和人自號存誠道人孝友慈和甘貧力學  
中桂樹盤結如樓黼巢居其上日註孝經

硯水自溢毋卒葬畢即隱難足山凡二十年卒之  
日凡親友之家皆見其登門作別或入見於安寧  
道中焉崇禎壬午河西李元祺赴選得大理訓導  
以便道詣武當有僧來謁自稱大理府學楊黼浼  
祺寄語於家祺許之及至下關見黼南去數呼不  
應抵任問諸生方知為永樂間人因為立碑表其  
里曰桂樓  
先生故里

芮道材

少業儒從劉真人習棲神煉氣之術曾殄我  
崑蛟除蒙化崇宣德初召見賜都紀馳驛歸

創棲霞觀居  
之尋屍解

高

娘

一名谷女趙州白崖人年十三尚不能言其兄從征東川相距二千里一日谷女忽開口

欲

餉

其

兄

家人

喜

其

能

語

試

裹

飯

與

之

躡

其

後

送

新

衣

易

舊

衣

皆

不

爽

遂

騎

常

所

收

白

豬

化

謂

家

人

曰

兄

回

矣

遂

騎

常

所

收

白

豬

化

為

象

陶

浚

瀾

滄

人

性

廉

勤

精

道

術

祈

禱

神

驗

不

受

端

坐

而

逝

大

空

名

興

徹

洱

海

人

初

師

雞

足

定

堂

誓

立

禪

於

邱

光

禪

師

每

定

三

日

光

訊

曰

得

法

喜

乎

曰

別香烟既盡聞空中佛聲漸向西去

寶月

燕人樓趙州白崖之小王寺每入市輒暫憩於張姓者之家因求寄居張不解月歸語其

徒大光遂逝是日張婦產一男額有頂珠左臂肉隆起如念珠痕光往視兒一見如舊識三歲殤又

生於千戶侯家狀如前甫六歲千戶令就館以待襲職兒曰我前世為僧但願出世一日忽失所在

寶菴

大理人長身修髯始居淨土山繼入難足歷九載每入塵市常依祠廟置瓢神案人以食

食之後至白崖忽謂衆明日虫蝗寺示寂行至塔所趺坐說偈曰吾三十年寂而常照照而常寂菴

然順化

大

智

燕人行脚至白崖每至人家見雞即索食謂其多食蟲蟻當為度脫一日遍街衢謝衆衆



隨之至義塚地閉目端坐  
向西口吐白氣如虹而逝

拜經和尚名興宗郡人成化間住黔省永祥寺樓誦法華經每字一拜如此者四十年當滕處

版為之穿年七十刻  
期鳴鼓告衆而逝

雪

軒趙州人遊貴州永寧創菴以居題曰夢緣坐山十四年戒行高潔禮部差錦衣舍人蕭興

訪取赴京  
不知所終

道

菴太和人叅古庭和尚築室於水目九峯之間因聞水聲大悟再見古庭庭喜之曰居士這

回穩坐家中也曰某自來不出外古庭曰家中事若何曰倒却四壁古庭肯之有鐵壁銀山都放倒

叮嚀珍重莫  
狐疑之句

海

慧

號印光葉榆楊氏子童年出家心源洞徹遍覽大藏宏建法幢遂開雞足傳衣寺闡揚宗

教為諸名德所推後開堂感通寺百廢俱興李元陽與為方外友

寂

觀

號法界印光高弟也苦行三十年參方至燕徧融和尚許其入室回真至響水關遇虎手

摩其頂虎遂巡而去寺僧怪之觀曰心宇泰定尚不見生死安知有物我吾視此亦猶蜺蜺耳年九

十無疾而逝

周

禮

號徹庸雲南縣杜氏子十一歲入雞足山師徧周和尚周先一日夢白蓮花生於殿堦明

日禮至稍長篤志宗風禮觀音文習靜二十年聞水聲大悟慧解無礙後叅大方印可於天童密雲

和尚歸妙峯山開堂以棒喝傳宗人謂滇南自古庭後二百餘年祖燈再焰實自師始著有語錄雪

山夢語

洪

如號無住定遠人鄧氏子初習靜白雲山聞鉢女聲有悟崇禎間叅天童和尚愈徹性源開堂

雲南縣水目寺著有蒼山集苦海慈航集

本朝

學

蘊

號知空洱海人九歲辭父母入雞足寂光寺雞髮戒行精嚴博極羣書慨然曰文字之學

不能洞達性宗乃往叅無住和尚無住示以旨要久之苦無入處後至玉霖軒禮萬佛名經忽大悟覺身脫落內外圓明如一輪皎月自謂快與難以喻人復叩證於無住無住深許之著有語錄草堂集年八十無疾登座示衆而終

李炳陽

名德全江西金谿人早年穎悟遽有飄然出世心徧遊諸名山至滇過雲南縣得天一山

遂棲託焉精修苦行二十餘年一日步松陰下見二童子授以勅曰上帝召汝歸遂沐浴而化

楚雄府

唐

王載元

張明亨

南詔時棲威楚之五樓山載酒峯頭長吟狂嘯時人未之知也一夕

酒酣有道人乘風而至神采煥發二子訝之曰先生能劇飲耶道人顧笑問其姓名曰無心昌道人促膝傾觴淋漓醉卧已而起別曰明年秋風起塞上吾當再來及期二子登眺以俟四顧淒然須臾道人至攜醇酒一瓢命二子飲張不善飲惟王子飲之道人歡甚吟曰將得五樓明皎月換來一頃

玻璃風吟畢而起白雲在天彌空佳氣道人曰時  
當行矣騰空而上王子隨之張子踴躍無措伏地  
大呼道人曰子仙骨已成遲一劫耳張子遂化鄉  
人瘞之塚上流光掘視得石如水晶是夜夢張語  
曰吾功行尚缺當以骨救瘡瘕試之果效遂名仙  
人骨云後有謂昌無心乃呂字也遂名闔關難閣  
曰呂閣

李阿名

大理人居七局村養一黑牛日飲池水肥澤  
異常因得酒泉白蒙詔開之是為黑井賜官

不受求為僧賜紫袈裟  
井民至今立祠祀之

元

李賢

定遠人黑井鳳山坊舊無水賢往丐豆腐索  
之至再人曰物值幾何但水難得耳賢笑云

何不蚤語我即詣  
山叩地甘泉湧出

源

空

郡人三歲能誦佛號入紫溪山為僧常遊螺  
髻山有虎伏崖下又遊九重巖經月絕粒一

日端坐而化荼  
毘日祥雲羃焉

明

正

玉

廣通人嘗入定於仙  
羊山古樹下出神去

本朝

讀

禮

號見月楚雄人明崇禎間祝髮難足遍歷諸  
方至江南華山依三昧和尚囑紹律宗衲子

康熙十五年  
年入寂

姚安府

元

慶禪師

居郡妙光寺山舊無泉師以杖卓巖谷之陰泉隨出焉

明

張三丰

天目人寓郡之文昌宮年餘後去之平越以隻鞋留挂壁間長二尺題曰三丰鞋今平越

府有三丰脫影崖浴仙池回生樹遺跡

本朝

楊和廷

名濟丹事母極孝順治乙酉值沙賊變奉母來姚居玉皇閣時杜朝明據姚流寇遣其將

張虎屠城和廷日端坐誦經兵入拔刀砍之已復還視完軀朗誦如故惟坐上木魚痕深寸許遂加敬而傳其事

## 永昌府

唐

無言和尚

姓李氏生時不哭兩手皆拳垂髻猶不能言後有僧語其父母命造觀音像則能言

像成果語拳亦隨開掌有文曰無言因以為名年十五依圓淨法師精研律論融貫教乘手書大乘般若經千餘卷茶毘之日得五色舍利遂於樓賢寺旁建塔奉之

道

超

段氏子童州出家戒行清苦嘗於巖間入定有異鳥銜花糜鹿馴卧之異年四十五示寂



謂其徒曰切無茶毘三年後當葬我於西山之陽及期啓視顏色如生報歎異之遂為立塔

明

志

登

馬氏子結庵龍泉門外有盜十二人夜入寢室登禪定不動盜周視左右見案上蔬食羅

列皆新炊者孟箸亦如其人數盜驚駭登徐云昨已知諸君至故囑徒豫備耳勸令飽餐仍為開說果報因緣妙義羣盜悔泣羅拜而出

黃

甬

騰越人入佑聖觀行持符籙驅邪治疾皆有神驗弘治間旱兵備趙炯延術士能禱雨者

指揮陳儀以甬對炯延問甬對曰不必懸旂驅雷但竭誠必有感也炯率闔屬齋戒數日天雨如注甬自此戒行益嚴人呼為松溪煉士

祖

復

號立禪姓朱氏系出晉藩萬歷初遊匡廬茅山薙髮為僧精修禪定脇不至席者五十年

後遊滇至楚雄值旱為請雨積薪自焚雨立沛民德之未幾入永昌寶臺山足不履戶外數年一夕

說偈而逝

薛繼茂

郡人別號青羊道人來見曰公宜急告歸明年秋

風起吾當至永昌一晤未幾茂果歸道人如期至日與講修煉法後引一青羊入茂家道人與羊忽

不見茂無病而卒鄉人有自大理來者見茂與道人同行問何之曰蒼山一遊因寄語其子牆內有

丹書小劍小印小旗各一宜善藏之及抵永其家方治喪鄉人傳其言果有前物始知茂尸解去

不二頭陀

姓任少為永昌郡吏素好道嘗過一坊下見字紙數篇書陰府律皆其所犯者遂棄

家雲遊至應天府跌坐市中遇巡城御史責之命  
都綱安插一古寺內此寺常有妖白晝傷人不二  
至寺跌坐夜半見蛇長數丈口如盆自上而下欲  
吞之不二端坐自若叱曰吾在此爾宜速去不去  
將誅汝頃之蛇頓入廊下遂隱不見人以此感動  
捐萬金修德普寺居之嘗見其髮有五色光後坐  
化去

海

闊

福建人雲遊至永居沙木和石牌寺晝夜跌  
坐戒行精嚴獨居數十年髮白轉黑齒落落更

生面若童顏一百三歲  
圓寂於城東劉家庵

蓬頭道者

字洞元不知何許人崇禎間雲遊至永跌  
坐市中無所求人與之錢隨給貧乏後歸

東山寶鼎寺每於盤石上靜坐  
山禽翔集其身人以此異之

本朝

警

秀

字補樵永昌周氏子年十一遭亂被掠至江南為宦家子心厭富貴遂於南嶽山福嚴寺

為僧好學能文初師原直後從見月和尚及主德山忽思親遂歸永而父母已逝乃作告墓文履霜山復返德山所著有湘煙集倚鳴禪師語錄

德

潤

字香谷姓俞氏隨父宦於滇每有出世心遂於騰越雲峯山出家行頭陀行建刹接眾募

緣施粥以濟饑民掩埋枯骨以免暴露後遊昆明坐化於長樂寺

鶴慶府

唐

贊陀嘸哆尊者

西域僧也自摩伽國來又號摩伽陀結茅於郡之峯頂山郡地舊為澤國

贊陀欲通道莫由徘徊岸側見一女浮匏於水語陀云能呼匏至前水當得淺陀呼之不至女以為行力未至言已不見陀遂入山後石室面壁十年女復至曰匏可呼矣浮匏令呼之果至陀乃卓錫象眠山下擲念珠於水俄山石迸開凡百餘孔水遂奔洩

明

寶

山

劍川人姓張祝髮於雞足山持行精嚴後行脚中州北僧藐其懦山隻足懸立山門七日

夜人驚異之叅訪有得還山坐化

圓

道

郡人李氏子幼讀書通文理後祝髮雞足山有苦行直叅不二真宗晚入龍華山禪定圓

寂之日弟維方教授廣西忽有僧趺坐泮池謂門  
役曰吾鶴人也與爾師有舊可一面乎維出視之  
則兄圓道也問所自來曰赴晉寧蟠龍會耳俄失  
所在誌之則脫化日也太和楊湜韓渥為之傳  
張道裕劍川人自幼潛修好道遇異人授以靈術心  
使曰爾先往吾次日來使抵榆裕已先一  
日至矣禱雨輒應太史李元陽與為友

### 本朝

阿哈哈摩尼西域僧也住錫鶴慶開拓東嶽宮有定  
力每夜趺坐一龕喃喃持梵呪晨起輒  
取井泉灌其體自頂及踵雖嚴寒必日三為鶴髮  
童顏步履如飛或叩以導引術笑而不言人施之  
金輒用以周貧乏神色  
清潤年已百餘歲矣

順寧府

本朝

洪

鑑

奇號希有蜀人甫二歲即失所怙恃依一友得疾就大士前作誓曰願疾愈為佛弟子身

強拜而起汗流浹背病體霍然遂詣華嚴寺薙髮復過妙峯山叅徹庸庸示以指要歸而精思累月遂契真如順治初入鬱密山有虎來廻環吼視作搏噬狀希有曰汝獨無佛性耶虎長嘯去年七十九跌坐而逝

明

通

號大安蜀人童年祝髮勇猛精進得摩訶迦葉苦行之傳明末遊滇住錫郡西華藏寺刀

耕火種自食其力者數十年年九十六猶日行百里迅速如飛素與猛峒余姓善一日謂眾曰明早

俟余某至老僧即往水目山鑄鐘去次  
日沐浴未定余果來談笑作別而逝

永北府

明

周草窻

瀾滄衛人結菴東山下精勤道術工於水墨  
卒後數日有人自省中來遇草窻於路寄回

朱履一隻人始  
知為脫化云

蒙化府

漢

孟

優

蒙化人世居巍寶山與土師孟獲兄弟也素  
懷道念常往來於瀾滄瀘水間得異人授長



生久視方藥諸書隨處濟人後主建興三年丞相  
亮南征軍中誤飲啞泉者輒手足四禁而不語或  
謂優有良藥使人往求之優進仙草立驗武侯驚  
異之與語人天運會深有契焉後入我崑山不知  
所終子孫於  
元時賜姓猛

明

王

旻

蜀之華陽人永樂初寓居蒙過異人授道術  
能役鬼神召致風雨鄧川孽龍為祟請旻制  
之旻至而龍遁去成化甲午豫知化  
日應期不爽蒙化人咸以為尸解云

方技  
附

雲南府

欽定四庫全書

卷二十五

明

黃拱斗

字文極晉寧人性穎異多讀書旁及百家技藝無不精究初以計偕遊京師遇隱者授觀

象之秘及歸每月豫書雨暘風雷及地震妖異之事無不符合將卒先知某年月日時適別親識盡

焚其書不傳於世

陳鳳典

河南新野人受異人傳有接骨神術流寇攜入滇呼為老神仙凡腸出骨折苟存餘息者

能醫治甚至易骨縫腸剖肌取鏃皆人所驚見者後卒於騰越

江天水

昆明人精數學奇中如神居羅漢山端蝠洞明末沙酉將叛天水豫告親友曰某年某月

為始此地當作戰場四十年豈可居此危險中乎遂隱去卒如其言

郭寓民

字螳川安寧人少業儒繼業醫能察標本精脈訣以意用方所治輒得效人有延者昏夜

必趨視藥不計值樂施與岐黃術中  
卓品也受冠帶榮身卒年九十有七

本朝

段係

安寧人庠生凡天文地理陰陽律呂之書靡不詳究著述甚富尤精岐黃之業留心濟人

多有  
奇驗

曲靖府

唐

阿

阿馬龍納垢酋之後隱居山谷撰繫字如蚪蚪  
二年始成字母一十八百四十號曰避書繫

人至今猶習之占天  
時人事亦多應驗

閑珊居集

雷益烏蠻也精卜筮之學其法用竹  
四十九枝或以雞骨代之占算輒應

明

傅秉忠

江西人寓居郡城精天文豫推算來年水旱  
豐歉絲毫不爽善祈禱應驗如神其弟秉安

亦精其術後  
徙居武當山

趙汝隆

郡人精太素脈知人窮通壽夭用藥隨取草  
木與之無一不痊有官病齒劬日流血數升

諸醫束手隆摘苦蒿令細嚼立愈有貴人餽人參  
盡分送人合藥年九十六終有人過於碧雞關西  
寄語家人勿慟  
始知尸解去

郭元谷

尋甸人有神鍼術凡為人治病按穴針之莫不奇效或有患腸腑疾者谷針其頂門入數

寸腸立下敷以神膏有頃針起腸収而疾愈

張神卜

尋甸人精數學觸物能知其終不失時刻與人言初若不經意後悉驗人遂以神卜呼之

臨安府

明

闕

仁

字靜齋通海人幼業儒旁通醫理邑中有少年持茶花行秀山中本無他恙仁遇之令其

速歸歸果不起其父兄請故答曰耳色青小腸已斷其奇驗類如此

鍾士昌

字汝樸通海人敏慧絕倫善書畫及北遊兩都筆墨益妙天啓間試畫品中書

本朝

何

慥

字百庸石屏人先世精岐黃至慥而術更神一日有卽某者行市中吐血數斗而仆氣已

絕矣慥見其血色曰未死也以獨參湯灌之而愈王師復滇前鋒賴將軍舌本腫出不能縮緹曰心

氣亟熱也久則飲食不下死矣灸銀器灼之腫消再投以湯劑立愈其生平立起沉疴隔垣如見類

如此入西山有道士素無疾病寢不能興慥診之曰六脈純陰為鬼所盜當午刻死竟如其言又嘗

為劉某診曰尺脈有怪徵後嗣其有厄乎是夕其孫果溺水死年九十餘豫營壽藏先期與親友別

至期而逝

澂江府

本朝

葉文波

河陽人原名觀光少應童子試有星士推曰君當因名而入庠旋因名而被黜葉未之信

後學使見其名為更觀光果得入泮次年學使為鄭觀光怒其同名黜之文波遂棄家遊中州遇前所識星士畫得其術遂返激終身不娶居肆中以星命隱日得錢數十即下簾與友談皆微妙洞達性命之旨常以忠孝勸人蕭然自得一日詣一達官曰願與一棺吾明日辭公去矣至期沐浴更衣與親友叙別端坐而逝

永昌府

明

潘爛頭永昌人幼隨長春真人學法其頭常爛人以

無不立愈水旱祈禱輒應相傳其頭因誤召神為天君所擊云

王

琚騰越人正統間王驥討麓川數載糧餉會計未明乃出令有能總之者陟三級琚進詣驥

命總之日中上其數驥甚喜及班師時授世職百戶辭曰小夫賤役非親矢石敢冒此職且世之耶竟不受

鶴慶府

明

李德麟

郡人精方脈能治奇疾遠近就醫者屢滿戶外會洱河東有宴人求治麟飲之藥半載方



瘳不責報後麟以他事過洱東見渡口船將發趨  
欲同舟有婦傾水濕其衣方怪之夫出則前窺人  
也驚曰此再生我者叩留止宿未

陳洞天

逸其名居羅陋川遇異人授以黃白之術丹

許光明如平時遠近踵門求濟限為之穿晚歲以  
其所得注洞天秘典一書多屬前賢未發之旨人  
爭購之因號洞天先生云

麗江府

元

麥宗

通安州麼些人生七歲知文字及長凡吐番  
白蠻諸種書契無不通曉兼識鳥語夷中稱

為奇人

雲南通志卷二十五

欽定四庫全書

雲南通志卷二十六

古蹟

附塚墓

天地無心而呈象而耳目所及表為神奇人事日出而更新而成毀不常垂為法鑒是以世閱今而成古蹟歷久而不磨尚論者溯厥由來多識者資其聞見凡屬方隅名物之蹟悉羅編摩紀乘之中也滇居南裔後服而易叛憑高騁眺歷代之城壘

蠻族之堡屯猶有存者記其處核其事籌邊控遠之規宛在目前矣至泉石景物幽勝殊瑰昔之人構建題識於其間雖多漂零剥落什不存一而流風未泯則故實可徵也若夫生有爵號及名行足稱者體魄所歸英爽如在亦考古者之所必及志古蹟塚墓附焉

雲南府

昆明縣

附郭

金馬關城

在城東七里元梁王築址存

廢昆州

在城西關

內即舊益寧縣隋置尋廢官渡廢縣在城東南二十唐武德元年復置後廢

蒙氏摩訶嵯與三秦臧廢縣在城西五里漢置屬益十七部會盟立

因之後廢唐復置屬昆建伶廢縣在城西北八十里州天寶中沒於南詔

屬建寧郡永嘉中改穀昌廢縣在城北七里一名苴為晉寧郡後沒於蠻

漢置縣後廢址尚存旁有漢學基在城內漢元封元玉女城元時梁王所築

畧昆明二年使韓說開益梁王宮在城內元末梁王州授經教學故傳其基

明初改岷宸章閣在學宮內元建以藏璽書名御敬王府今廢宸章閣書閣後改曰宸章明沐晟重修

思堂在城內明洪武二十五年西平侯沐棲鳳亭在春建僉都御史河南程本立有記

內明時黔國公沐崑建水雲鄉在城西湖上明黔國公別業一

最海莊在城西南高峽山下明修撰楊慎謫真僑居

多慎遊憩之梵字塔在城東地藏寺周遭皆刻梵書

所遺址尚存梵字塔上覆以閣昔人折其頂黑氣直

射而出因白塔在城東三里通衢中元萬穿心塔在

封之如故白塔慶寺塔也今寺廢塔存

渡俗傳有螺為魅建此鎮之其處有山皆螺殼積東

成居民平地掘井深二丈餘惟見螺殼竝無雜上

西二寺塔在城南一里許相妙音講寺塔在大西門

尉遲恭建元延祐間有番僧講經於此適蠡食木僧

掘一坑匝繞講經七次蠡盡入坑移塔於寺後鎮之

梁王堆在城外老崔橋歸化寺諸孔聖遺像碑在學

處昔有人發之得古匣一

宮尊

經閣內唐黔寧王碑在城內昭靈觀諸葛碑在城東

吳道子筆

漢營唐廣德初鳳迦異

築拓東城得之其

金蟬關碑

二里舊

文曰碑即仆蠻為漢奴蠻懼嘗以石指之

在城西羅漢山明楊慎書藏真帖石碑在學宮尊經

王褒移金馬碧雞文於上

藏真帖

石碑

閣內

本朝

康熙三十年改建新學總督范承勲出家藏唐僧藏真所書十字文真蹟摹刻石上嵌之壁間牛井

在羅漢山巖下明嘉靖初有趙道人修煉於此苦無水以牛載汲垂二十餘年一日牛忽死其處即湧一

池味甚甘冽優曇花樹在城內土主廟中高數丈枝雖盛暑不竭葉扶疎每歲四月花開如蓮

有十二瓣歲閏則多一瓣相傳南詔盛羅皮時有僧菩提巴波自天竺來以所攜念珠分其一種之今枯

富民縣

梨灤城

在城東三里元

蒲團草

在城西南五里距靈

芝寺數十武明建文帝經過以蒲團趺坐於  
此至今草下垂留蒲團跡土人立石誌之  
宜良縣

八古城

一在城東陳家渡一在城東五百戶營一  
在城東北彌沙龍一在城東南竹瓦村一

在城西巖泉寺一在城北城北村一  
在城北江頭村一在城北兔街子

諸葛營

在城南門外自

小石嶺至中營  
地址方五里

羅次縣

古城

有三昔時諸蠻所築  
皆距城二十餘里各

周二百餘丈一曰赤城在城南一曰黑城在城北一  
曰白城在城東北隅白城內有聖化寺本朝康熙

五年重修此寺磚瓦上有宣光字乃元順  
帝太子立於建昌年號也今城廢址存

押赤城

在城

東南二十里舊為烏蠻所居元烏蘭哈達攻羅部  
進據其城及征交趾還復駐軍於此大饗士卒  
羅

部城

在城北二十餘里  
昔蠻酋恃險處

黃龍寨

在城西北二十五里  
相傳梁王屯糧於此



至今山頂石如月影池在城南二十里月影庵米形可愈瘧疾內月晦時池中有影晉寧

州 天女故城在城西五里晉太興初寧州刺史李穀病卒衆推穀女秀領州事城蓋秀所

築古土城在城西北五里隋刺史梁滇池廢縣在城東十

五里漢置屬益州大甫廢縣在城南二十里元晉寧

廢縣在城西二里唐武德中龍馬跡在城東三里海

寧州刺史費統上言滇池有二龍馬呈貢縣伽宗

城在城西二十里宋時大理高小古城在城北五里

傳梁王屯歸化廢縣在城東南二十里地名大吳龍

有元割大吳龍安江安湖地置縣築土城明嘉靖  
中易以石本朝康熙七年省入呈貢故址存鄒

元標碑係元標手書安寧州河東州城在城東南  
在歸化城內葱蒙卧山

之東唐時置州於此江東城在城東南二十里段氏  
土人稱為華納城所築元初廢又北有青

龍城皆蠻酋恃安寧所城在城南明洪武中築今州  
險處今為村之南門即所城之北門

蒙氏城在州學後三泊廢縣在城南三十里元至元  
故址尚存十三年置明因之本

朝康熙八年省入昆陽州雍正  
三年以其地歸安寧址尚存禹碑原碑在南岳岫  
嵎山峯皆蝌蚪

古篆明修撰楊慎摹鑄王仁求碑在城南葱蒙卧山  
於州東法華寺石壁有漢人城舊址碑

尚清禪塔在城西北十里曹溪寺  
存之右即聖水三朝處祿豐縣巔哀城

在城南唐蠻酋阿驥琮籠城在城東北姚林山其地  
哀所築即今古城驥琮籠城在城東北姚林山其地

徙不常元至元十二年割安寧千戶之碌琿化諸葛  
泥及驥琮籠三處置縣俗名碌琿後易為碌豐諸葛

臺在城西三里武侯征聚米山在城北武侯南渡軍士  
孟獲凱旋駐軍於此聚米山相傳武侯南渡軍士

乏糧蠻酋追之就山邱巨橋城在城東堡  
聚米為堆以給蠻人昆陽州巨橋城在城東堡

高氏築元設巨大小石城圍在城北三十里其石環  
橋萬戶府即此大小石城圍在城北三十里其石環

三年按察使許宏勳鑄大石城壁  
曰湖天鎖鑰小石城壁曰雲莊拓東龜城在城北

唐開元間南詔盛羅皮遣張望水廢縣在城西二里  
建成入朝時築見南中志望水廢縣在城西二里

年改南籠州為鈞州領河西廢縣在城西河鄉元  
望水唐封二縣後廢河西廢縣在城西河鄉元

州

古柏

在城西門內城隍廟大數圍易門縣

阿烏

砦

在城北八十里四圍峭壁莫能攀躋向南有石門

石柱

在城西三十里黎崖山形如馬首夷賊每出

此時自甸末至嘗我二百里閒諸夷皆叛應龍殺一

賊竝馬首瘞之

監石柱於上表曰此後賊不祭自是

叛者悉附

村民神而祀之於嵩明州

舊金城

在城內黃

龍山

昔時漢夷雜處

集興

籠城

在城南十五里相連

漢人築城

居焉址存

有梅堂阿葛籠蒙琮

楊林廢縣

在城南四

龍白籠諸城

周迴數十里俱南詔時

楊林廢縣在城南四

十里雜蠻

枳氏車氏斗氏麼氏故地城東門外羣石

如羊形故

又作羊林唐時有羊林部落即此地元憲

宗七年立楊林千戶後改為邵甸廢縣在城西四十里雜蠻車氏

斗氏舊地原名東甸後以東為邵元憲宗七年立邵甸千戶尋改為縣明成化中省入州城址尚存蠻

盟臺

在城南里許昔為漢人居後烏白蠻強盛漢人徙去盟誓於此因名又傳武侯南征與蠻酋盟

所築旁有盟泉武侯祠竝碑

## 曲靖府

南寧縣

附郭

靖州故城

在城南十五里唐置俗名南城址尚存

龍和故

城

在城西南十五里唐開元中南詔閣羅鳳遣楊牟利以兵脅西蠻徙戶二十餘萬於永昌東蠻以言

語不通得不徙自曲靖州石城升廢越州在城南六十餘里本麻昆川南北至龍和皆殘於兵

唐悅州其川名魯望後為繫蠻所據號普麼部元憲宗時內附立千戶所後改越州明洪武中越州渠長

龍阿資叛傳友德擊破之廢協州在城東北二十里尋廢州置衛今城尚存

析置靖州天寶末廢味縣在城西十五里三岔驛漢俱徙治戎州遂廢

州治故城石城廢縣在城北二十餘里唐貞觀四年址猶存

武侯閣在城北迎李元禮碑在城南一里上刻篆書恩門外

五日漢李元禮等字餘莫辨傳為繫府君碑在城南李膺遭黨錮流其妻子門人於此

為興古太守石城碑在城北二里許昔段氏破楊干繫府君立

朝康熙十八年營兵於八塔在城東五臺山下雙井土中掘出碑字猶存

相傳諸葛武侯建

在城化關外一井  
兩竅傳武侯所鑿  
霑益州  
西平廢州  
在城東二里  
唐武德四年

置貞觀中改名盤州  
元至元十三年改  
霑益州領交  
水石梁羅山三縣  
明洪武十五年改  
遷州治舊址存

石梁廢縣  
居城東五十里  
本磨彌部酋所  
羅山廢縣

在城東南一百二十里  
平夷鄉舊磨彌部  
東交水廢  
境夷名落蒙山元  
羅縣明永樂初廢  
址存

縣  
在城東南二里  
舊名甌籠城  
元至元十三年立  
為縣  
屬霑益州  
明永樂初廢  
置交水稅課局  
天啓三年

築城今局  
盤江廢縣  
在城南九十里  
晉元帝末年  
釁廢城存  
盤江廢縣  
亮據盤南刺史  
王遜討之不克

遜卒刺史尹奉募  
外夷刺殺亮盤南  
平割興陸涼州  
古盤南地置盤江  
南如南零三縣  
後廢址存

木柵義城  
騎思籠城  
俱在城東南中  
鹵昌城  
在

西南五舊州城在城東北二十五里本朝康熙初  
里許州城圯而衛城堅完如故後裁衛歸

州因移州治於衛城河納廢縣在城西南八十里地  
內今舊州城址尚存

領芳華河納二縣芳華廢縣在城西四十里本落溫  
明永樂初省入州部之地蠻名忻歪又名

部封元初置千戶至元中馬龍州尚贊城在城東  
改為縣明永樂初省入州

里又有廢耶魯婆伽嶺巡司故城在城南黃土坡明  
城皆蠻所築

有巡司今馬龍所故城在城北里許明永樂二年置  
裁城存本朝康熙二十年所裁城存

廢麻州在城北里許唐貞觀二十二年置永徽二年  
朗州白水蠻反寇麻州朗州都督趙孝祖討

平之律高廢縣在城東漢置後廢晉咸寧元年分建  
即此寧郡修雲俞元二縣復立律高縣梁



末廢元以其地置馬龍州西安廢縣在城東二十里晉末析律高

郡治梁通泉廢縣在城西南四十里盤瓠後內垢之末廢

戶至元十三年改為通泉方圓塔在城西南羅甸村縣屬馬龍永樂初省入州

王義象塚在城東北關外明天啓四年安效良叛至馬建義象塚在城東北關外

勇衝陣被流矢死巡撫王伉羅平州漏卧廢縣在立碑建坊表曰忠勇義象

南八十里漢置蜀漢建興二年分建寧牂牁立興古郡領漏卧宋為興古郡治齊仍屬興古郡梁末廢

土官寨一在城北十里一在城梁王堆在城南二十東淑龍山林木猶存

傳梁王屯方圓塔在城西六十里竟甸村元梁糧之所王建一方一圓上有篆文尋甸

州 仁德府故城

在城東五里元至元十三年置領為美歸厚二縣明洪武十五年改尋甸

府成化十五年遷

鳳梧所故城

在州東城內明嘉靖六年建本朝康熙

五年裁

木密所故城

在城東南七十里明洪武二十年建本朝改置木密守備

仍管守禦事

尋甸故城

在城北一里明成化十五年築土城後徙魯兀山下嘉靖

十二年

歸厚廢縣

在城西一百三十里地名易郎南龍舊屬仁地部元至元十三年分

立為美儻俸二縣後改儻俸曰歸

為美廢縣

在城北三里地厚今州境九灣九層城即其故址

名溢浦適侶朕甸元置

會盟處

在城東六十里關索嶺上有石標漢諸葛

武侯南征

平彝縣

舊平夷衛城

在城西一里清溪河左山巔今俗名

會盟處

舊城

亦佐廢縣

在城東南一百三十里蠻號夜苴部元至元間置縣明天啓四年建石城

本朝康熙四年

石龍

在城東南十五里

滇南勝境有石龍本朝總督郭璵見之曰

此北也非龍也因

宣威州

潁川營

在城東一里一

建一亭題曰石北侯傳友德築土城駐軍今內

諸葛營

在城東二里一

有居民十餘戶田數十畝南征每兵斗土築砲臺在城南一百二十里可渡河城屯軍於此今存

糧堆

在城東二里世傳武侯南征乏糧堆土覆米於上以示有餘今遺跡尚存

臨安府

建水州

附郭

賁古故城

在城東三十里漢置縣屬益州郡後漢因之蜀漢屬興古

郡晉因之段氏故城有二一在城南五里瀘江鄉無東晉時廢

存曲江故城一在城北八十里臨曲江有二城寧遠廢

州在城西河一百餘里明初置萬歷讀書臺在城內

地勢高起如堂明洪武中學士王奎都御史韓將臺

宜可謫戍時講業於此訓導趙子禧構亭其上

伯沐昂駐兵處有遺址撫蠻臺在城西北三里明巡

於此居敬堂在城東二里廢臨安衛北明指惠宣

堂在城北里許明知府陳禮楊知州莊在城東南五

此和居石屏州末東廢城在城東異龍湖中瑞城島

焚蠻奪據之又州南五謝氏山亭在城北四里明州人謝正闢地引泉

瓜山上有城亦名末束建亭於上下有躬耕巖石洞甚奇乾陽仙跡在城北山上有石洞高

煉丹於此洞前石上足跡宛然阿迷州楊廣城有三一在城東南

城之市平鋪一在城之石頭寨相傳宋皇祐初儂阿智高奔竄狄青使其將楊文廣追之屯兵於此

迷守禦廢所在城東一百二十里地名虛卜桶舊為

土城狀元館在城內明楊慎寓阿迷州寧州古城今裁

在城南里許傳為諸葛武侯所築寧海府故城在城西三十里大雄

置寧部後改寧海府至元中改寧州至西沙廢縣在正間始遷於今治明嘉靖十二年築城

西二里寧部蠻世居之其裔孫西沙築城於此因名  
西沙龍元至元十三年立為西沙縣二十六年隸寧

州至治二年併入州通海縣舊土城在城東五十  
故址在仁善坊內

傳寨長王智築此畝町廢縣在城東北五里漢置唐  
以禦諸蠻址猶存

改秀山郡元為臨安路治所明初改路為府以建水  
州為府治因改置今縣兼設守禦所以其城為守禦

城今所石穴在城東北二里相傳有異僧以杖  
廢城存穿石洩麓湖之水其穴至今存

水在城北祀湖中明御史東旭謫戍通海子欽隨相  
繼卒欽妻盧氏誓死守節有力者強逼之自投水

死至今其水澄碧數丈河西縣河西州故城在城  
宛若拖藍事詳列女

里螺髻山下即舊縣治其地曰休臘唐初於姚州之  
南置西宗州領縣三河西其一也天寶後沒於蠻為

步碓部後阿契蠻易渠奪而居之元憲宗時內附置  
河西州尋改為縣明成化七年始遷縣治於普應山  
下舊城有三一在城東三十里一在城東北一里  
址猶存古城一在城西北三里俱元時築故址猶存  
龍馬

槽寨

在城北五里

舊元帥府

在城北三十里曲陀關又名萬松營元至元二十一年建

今碑址

岢嵐縣

筇川廢縣

在城西北九十里後廢至元初

中改岢嵐千戶為州領筇川平

岢嵐舊縣

在城東北二里岢嵐

山之陽又有廢城二一在縣西怕念鄉元時有百赤  
夫長居之一在縣西平向鄉元末梁王避兵之所

字巖

在城西北十里通濟橋旁明萬厯間副總兵鄧子龍征野寇至此斬賊首血書威震遐方四大

字至今赤

蒙自縣

古城

在新安所西十里有古碑題曰宋將楊文廣駐師之

所蓋狄青討儂智高時也新安守禦廢所在城西南十五里本安南長官司地名補瓦寨

明正德六年廢司改置千戶所隸臨安衛十石龍城在四年築城本朝康熙二十六年裁城存

東四十餘里從石縫中出高丈銅鞍斧在城東小東餘勢若飛騰時有雲霧繞其上

時巡撫鄒應龍剿蒙迷土賊置二器於此寓安撫意於縣署勒石云平定阿迷安撫蒙自蓋阿迷東山亦

置有銅瓶銅錠各一也

# 澂江府

河陽縣附郭黑柏城在城東舊陽宗縣東舊府城在城三里一名輸納籠城

東五里繡毬山明知府西古故城在城西四里元徐可久遷今治舊址存



街故土城

唐臣築周三里民居稠密明正德六年知府

俞元廢縣

在城南河洲上州名龍池周陽宗廢縣

在城東北四十里明湖之南唐廢些蠻居之號強宗

中改為縣正德間築城

本諸葛營在城東十里雲

朝康熙八年併入河陽縣

征與酋長梁王屯有廢垣二重明初征滇梁王使其

訂盟於此

部帥屯兵於此將決水灌軍有沙鍋者傾菜花坪在

以告因絕其水道遂破之又名沙鍋寨

北二十里羅藏山元梁王巴咱爾幹爾豐樂亭在城

密遊樂之處昔有樵者於此得銀器

岩龍泉間每歲季春郡人修元帝師碑在城東江川

楔之所明知府徐可久建

縣 梁王城

在城北山頂

部椿故城

在城北二十里昔蠻酋易昌所

築元置雙龍縣於此尋廢為雙龍鄉其北有古樹春初葉萌土人視其先萌之方以卜歲北雨南旱西則

風雨時禾稼登東則豐歉半四舊絳縣在城南四里面皆萌旱澇饑饉歷試不爽

置黎州領縣二絳其一也又名礪雲異城蒙氏時白蠻居之至段氏時為麼些徒蠻所據更名步雄部元

初置千戶所至元中改江川驛建今城舊城址存崇蟠坤

洞在城東南十里蟠山西平侯沐春征交趾至此迷路有緋衣白馬人麾騎而前從之得路比還復見

旌旗騶衛列炬千餘張樂八洞古塔在城東五里東跡之得石如人形肖像祀之

二年新興州祿匡城在城西南十五里俗名西古建城漢時築元梁王重繕駐兵

中古城

築在城西二里元時馬橋城在城西北十三里

黑村城

在城北十二里團山下白城在城北二十五里研和廢

縣

附在城南三十里昔麼些徒蠻步雄居此元初內普

舍廢縣

傍據普具龍城元初內附置千戶尋改為休

納縣後置新興州省休納入州即今州治次曰普舍

據普北龍城其孫苴樹元初內附置千戶後改為縣

明初省關索馬驛在城北關白塔有二十一在城東北

入州在城東南三里望城坡三姑井在城北團山三姑遇

清冷可洗眼疾又路南州撒呂城在城東北一里

名啞泉不可飲

曰撒呂黑巖落彌沙廢縣在城北八十里元至元十

蒙所築遺址存沙縣二十四年邑市廢縣在城北八十里黑巖巖落

併入路南州明弘治四年省址存

# 武定府

和曲州附郭諸葛城在城東二里相傳諸葛武侯

曲故城在城南十五里蠻名巨筵甸元改曰和曲尋

宗居廢縣在城西北一百八十里唐武德中置西宗

塔河西隸戎州龍隱臺在城西八里獅山之巔孤峯

都督府後廢入雲兩石相抱中容數人明

建文帝入禮斗臺在獅山嶺懸巖萬仞明建文躍龍

亭在城內學宮泮池前明建文帝信宿於此螻蛄

亭鳴帝意惡之至今遂絕萬歷間知府劉懋武因建

浚泉亭在獅山巔亭畔有古松二株元謀縣元

兵寨在城西二十里西溪河西山頂諸葛壇在城北

清澗澗相傳武侯征孟元馬塚在城北二十里馬頭

有元馬日行千里死於此遂埋焉有祿勸州石舊

廢縣在城東五里州舊有四甸曰掌鳩曰法塊曰抹

水一名勒溪洩一名東溪蠻語謂洩為水籠為城  
因名元置易籠縣明初省入州今地名培塿址存

石泉

其在城東一百二十里灑交營坡有大石泉出  
其上終日汲之不涸終歲不取亦不溢相傳武

侯南征人馬皆  
渴用劍斫出者

## 廣西府

督捕城

在城西四十里明萬歷初置為阿盧洞亭在  
本府通判分防之所址尚存

西五里  
欄寶塔

鐘鼓獅象之形  
伏波祠故址  
在城內東北隅  
鐘秀山巔址存

秀才石

在城西二里石形如人相傳  
師宗州元總  
有孝子在此盧墓遂化為石

管府

在城東南檳榔梁王營  
元梁王建大河口  
洞村基址尚存  
六德  
矣屯村俱有之

廢驛

在城東阿歹村

英武廢驛

在六德驛東

檳榔廢驛

在城西南檳榔村三

驛俱明初置後驛

彌勒州

煉丹竈

在城南六十里曰潰洞昔有仙

合丹於此遺有石斧

望夫石

在城南中峭地昔有白夷從征交趾久而不歸

其婦每至山前盼望

烈婦石

在城西十里昔有夷婦遂化為石高五尺許

不從攜子逃歸母家姑追及撞石而死風雨大作今壁間尚有母抱子形

北維摩舊

廢州

在治南曰者馬者龍阿寧三鄉之界元初立維摩州摩干戶後改為州明洪武間築土城於大維摩

萬厯間築城於此後交

維摩新廢州

在治西阿寧鄉趾叛徙治阿寧鄉趾存

州治於此

本朝康熙九年州廢城址存雍正八年復設州同治於廢州東南十五里之歹馬坡

黃石

在阿寧鄉魯石白村明弘治間州民李璜代土官瓏氏赴京襲職即奏請改土設流官瓏氏欲

害之避居江外攜一小石置道旁祝曰如璜為私此石消滅如璜為公此石昂藏其石果屹然特立

## 廣南府

法土竜城

在城西十五里其城險固城後有高山壁立復有石城憑高臨下城中每恃為聲援

安寧廢州

在城東北一百三十里元置明初省入府廣南舊衛在城內明

九年置永樂元年移置於雲南府治東

## 元江府

奉化廢州

在城西一百二十里本名羅槃甸元為羅槃部明洪武初置因遠羅必甸長官司後



改為奉化州  
本朝順新平縣  
新化廢州  
北在城西

里元初立千戶  
明弘治中改為州  
嘉靖五年築土  
城本朝康熙五年併入新平縣  
今州城址猶存  
鳴

鼓營碑  
在城西北三里  
碑文破敵軍山平核桃菁焚  
白改寨掃麻栗灣擒斬萬計萬歷辛卯孟秋

廿三日副總兵豐他郎  
恭順廢州  
初改他郎寨為  
城鄧子龍立今存

恭順州  
本朝順治  
石煙  
在治西南一百六十里  
十八年省入府  
址存  
左村石坳中通一竅最深

有煙裊裊四時不絕居  
民以煙所指卜吉凶

## 開化府

文山縣

附郭

安南廢城

在城西一百四十里  
木附焚  
蠻所居舊名哀古又名捨資

部元置千戶明初改為長官司正德六年省入蒙自  
縣天啓二年復給司印以王弄長官司沙源蕪管明  
末源子定洲謀叛討誅之其兵頭王朔遂有其地  
本朝康熙四年朔與祿昌賢等叛官兵攻破之城址  
尚存

# 鎮沅府

威遠舊州

即今府治舊為昔模和泥二蠻所居蒙氏時屬銀生節度又置威遠賧至段氏為金

齒白蠻阿只等所據元至元十二年置威遠州隸威楚路明洪武三十三年改置鎮沅州永樂四年始陞

為府今革除之威遠土州乃昔濮落雜蠻之地明洪武三十四年所開置也 巖龍 在城南六十里

明德里土人旱澇祈禱多著靈異 恩樂縣 天生城 在城東六十里三家坡周圍懸

巖石壁中有平地儼石室在城南境猛連村清幽絕  
如城垣今駐汎兵俗昔有道人修煉於此後  
不知所終

## 東川府

會澤縣

附郭

土府故城

在城西南二里故址尚存

堂琅廢縣

在城南

漢置因山為名水經注云朱提郡西南二百里得所  
綰堂琅縣西北行上高山羊腸繩屈八十餘里或攀  
木而升或繩索相牽而上緣陟者仙人洞在城西四十餘里  
若將階天南中諸郡此為至險  
雲弄山腰相傳那姑仙修煉於此土  
人至其地不敢語語則風雷立至

## 昭通府

恩安縣

附郭

土城

駐兵於城南二十里元初

八仙海石

在城東二十里海中有島八石屹立如人土人謂之八仙世傳武侯南征曾留記云八仙倒烏蒙了今果

次第傾倒鎮雄州

嗎里城

歷在城東五里明萬舊土

城

在城西南七里明洪武中潁川侯傅友德調指仙揮鄭祥駐兵鎮戍築土為城後班師歸址尚存

碑

在城北境火頭壩口篆文甚古明

石刻

在城東北

通四川高珙二縣孔道石上鐫芒琪大草壩

在河路

不生竹木傳為武侯七星營

普洱府

龍虎地

斬在城北三里迤邐南來氣象萬千其過峽處

夷攸樂

祭風臺

視在城南六茶山之中登其上可俯

為孔明塔有二一在九龍江之西南接莽于孟良

皇上

御極之六年其塔歌向東北識者謂東北為

神京所在歸流當驗七年逆夷平果改設流官一在

有樹一株名萬年青玲瓏環抱整董井在城南二百

最為奇異塔後即武侯立營處

時夷目以細里佩劍遊覽忽遇是井水甚潔細里以

以斧劍鐵務悉為銀復跡之不得其處歷傳其事後

雲南通志

十六

茶山遺器

俱在城南境舊傳武侯遍歷六山留銅鑼於攸樂置鏐於莽芝埋鐵碑於蠻端遺木

柳於倚邦埋馬鏐於革登置撒袋於慢撒因以名其山又莽芝有茶王樹較五山茶樹獨大相傳為武侯

遺種今夷祭鑼洞在莽芝山半石洞中有銅鑼一匡民猶祀之祭鑼郭剝蝕夷人每於春耕時取鑼祭

之祭畢仍置故處秋時再祭則年穀豐稔或思茅不誠即歲歉相傳武侯所遺迄今奉為神物

諸葛營

在城東北斑鳩坡下諸葛武侯擒孟獲直抵莽緬往來經過駐軍於此址尚存

# 大理府

太和縣

附郭

太和故城

在城南十五里皮羅閣丹為雲南王自蒙舍徙此今其地

名太和史城

在城北四十里隋開皇中史萬歲駐師村址存於此故名元初置喜州今其地名喜洲

村址南詔諸城俱在府境皆備吐蕃所設一在河尾  
存里一在關邑里一在白國一在端溪

一在塔橋一在摩用又有金剛葉榆廢縣在城東南  
城在點蒼山佛頂峯麓址存十里陽和

鋪漢元封二年置屬益州郡後漢屬永昌東河陽廢  
郡晉屬雲南郡元改大理路今舊址尚存

縣在城東十里晉永嘉五年分永昌石乳巖在城北  
雲南立東河陽郡以縣為郡治蒼山茫

湧溪上有滴乳石高智昇初生時曾棄天威逕在城  
其下石乳滴入口數日不死始收養之南三

十里達永昌孔道武侯七擒孟獲復縱之使去獲畫  
心服曰公天威也後遂名龍尾關西曰天威逕

卦臺在城西蒼山龍泉峯下昔武侯屯兵於占文閣  
此草萊中得石刻伏羲像因作臺祀之

在城西南五里每星回節似有火五華樓在城中唐  
炬出焉土人以占科目之多寡大中時南

詔豐祐建元世祖征大理駐天風海濤樓在城東八  
師其下正德間重修址存

前一名浩然閣寫韻樓在城西南十二里海光勝概  
明嘉靖間建

樓在城西北二里崇聖寺創自翠華樓在城西北無  
唐貞觀間其北有般若樓

駐蹕處萬水月樓在城北龍首關俯臨洱水明月東  
松鬱然

桂樓在城北三十里上陽溪明隱混沌亭在城南龍  
士楊黼讀書處旁有退筆塚

中有李將軍祠為唐千尋塔在崇聖寺塔頂有欵識  
死事之臣南詔祠之

唐匠恭韜徽義造明正德九年轆角莊在城南二十  
五月六日地震塔裂旬日復合

鳳之女請自擇配倒坐牛背任所之至一委巷老嫗  
家側其角而入遂嫁其子鳳怒與女絕其婿於採樵



處得金碑負歸作金橋銀路以迎鳳凰嘆曰果天婚也後人名曰轆角莊言牛入隘巷角如轆轤之轉也

禹碑

在城西南一塔寺明嘉靖間楊慎募岫巖碑刻之

南詔碑

在城南太和故城唐天寶

間閣羅鳳歸吐蕃立碑門外明叛唐非得已也鄭回撰文

平雲南碑

在城西三里元世祖平雲

南立大學士程文海撰文

平章碑

在城西北蒼山應樂峯

玉手碑

在崇聖寺僧念庵書

證道歌刻於石其右手自腕至掌瑩明如玉故名

黃華詩碑

在崇聖寺元翰林王庭筠自號

黃華老人明郡人李中谿得其遺筆四詩刻於石上筆意古勁士林咸珍之

玉磬碑

在無為寺

側明汝南王有記

蒙國大詔碑

在城北十里唐鄭回撰文婦

負石

在城南和陽舖傳昔漢兵至境大士化一婦人負大石衆驚異戒勿露刃但畧其地為葉榆縣

後人祀觀音石在崇聖寺南有楊羅刹封石在上

音像於上觀音石舖八分書誌之羅刹封石陽溪

谷口有方石如樓世傳觀音基大石案在城北十三里

大士閉羅刹於此因建寺基大石案長六尺濶六尺

厚二尺許四足皆大石唐永白虎墩在城西南感通

徽間楊波遠為迦葉設供案白虎墩寺昔傳有僧在

廚炊黍見白虎人急以甌糜擲之繞其頸而大悲寺

遁明日視西廊塑虎頸有甌糜馬寺廢墩存大悲寺

觀音像在城中唐末有木板逆流三里許人異之取

煙火俱盡像天橋俗傳大士鑿石以洩洱水絕壑深

前煙篆不減天橋在城西南三十五里洱河下趨處

塹石梁跨之兩巖激水濺珠洱海月在下關每十一

宛如梅綻人呼為不謝梅洱海月月十五夜月落

已盡水中風孔在蒼山三陽峯茂原之上風從地孔

猶見一輪風孔出夏月過之刺人肌膚人謂郡之多

風以蝶泉在城北上關泉從石腹湧出旁有花一株

此垂至地亦唐梅其在城西西北靈會寺右相傳植自唐時

奇觀也花千層色如紅玉鐵幹橫撐千年

物趙州安東城在城東二里蒙氏安白崖故城在

東六十里舊名白崖甸以西山崖石如雪因名蜀漢

建興三年武侯南征師次白崖獲雅閭斬之封白國

仁果裔龍祐那為酋長賜姓張氏築城於白崖山下

蒙氏時為白崖臉唐天寶十年鮮于仲通進薄白崖

城即此明嘉靖年設大理府督捕通判彩雲城在白

駐其地築土城萬曆末年裁城址尚存彩雲城在

昆彌山下白國王張龍祐那築以諸葛城在城東南

彩雲見於此故名一名文案洞城彌渡市北

武侯唐城在城南十五里唐天寶建寧廢縣在城東

築中李宓征南詔時築

雲南通志

三十一

里彌渡元至元十一年置二十五年省入州元地理志稱于白崖賧改置建寧縣乃白崖賧之彌渡非即

白崖也今元世祖故壘在白崖驛孔明壘在城東北城址尚存

山頂小國公營在城南華藏寺後明西平侯沐英鳳址存

嬉亭在城西南鳳儀山明州人叅議金壘構以鐵柱館楊慎者州內諸勝皆在指顧之下今廢

在城南百里武侯既擒孟獲還白崖立鐵柱紀功歲久剥落至唐懿宗咸通間重鑄之今鐵柱廟是其遺蹟

御井在城北十五里元世祖南征駐蹕於此孔明時早軍士渴甚禱神鑿池泉忽湧出

印在城東南定西嶺西巖間鐫刻印雲南縣雲南篆傳為武侯所遺土人佩以治瘧

舊城在城南六十里漢武帝元狩元年彩雲見於白崖置縣其南故曰雲南蜀漢分建寧永昌立雲

南郡唐改為匡州領勃弄匡川二縣今縣城東南有廢城即唐時匡川縣治其勃弄遺址今大波那村是

鏡州廢城

在城西北十里唐置遺址尚存

雲平廢縣

在城東本雲南縣地晉析置雲

平縣宋齊因之梁末廢

力士營

在城南九里昔武侯駐兵於此

伏波巖

在城西二里舊

有馬伏波祠

懸巖閣

在城北九頂寺鐵經懸構絕閣摩天

風洞古井

在城南三十里

水目山水月寺六詔時僧普濟有神異日從洞中住來旁有古井深不可測

鄧川州

德

源城

在城東北十二里昔鄧臉詔居之南詔既併鄧臉其妻慈善不屈死南詔旌其城曰德源事詳

列廢曾州

在城東四十里即漢時姑繒夷之地唐武德四年置曾州治曾縣西接匡州後沒於

蜜諸葛寨

在城東三十里地名豪猪洞南山頂有石牆遺址下有龍潭石壁上有龍形竝星雲

人馬狀層見叠出如雕刻然浪穹縣石和城在城西北

武侯擒孟獲於銀坑洞即此浪穹縣

石和城在城西北

十五里施浪詔之裔據石浪穹廢縣即今縣治唐為

和城閣羅鳳攻虜之即此浪穹廢縣

浪穹詔其王鐸

羅望與南詔戰不利挈其部保劍川更稱劍浪詔貞

元中南詔擊破劍川虜鐸羅望徙永昌以浪穹施浪

鄧暎總為浪穹州元鳳羽廢縣在城西南四十里蒙

至元十一年降為縣鳳羽廢縣氏所置元屬鄧州

明初併入浪穹今三營在城東三十里蓮花山下元

名鳳羽鄉址存今三營世祖入大理以此為吐蕃襟

喉留軍三百鳳凰臺在城北二百步施浪詔施望欠

戶鎮之因名鳳凰臺築臺下有白沙井亦望欠所鑿

古栢亭

在城東五里元時建今潛龍庵在城東北赤

亭廢栢存輪圓如蓋今潛龍庵壁山下明永

樂九年建文帝偕楊應能葉希賢程濟至浪穹結庵

於此明年應能希賢先後卒葬庵旁題曰二忠之墓

居久之焚其庵東去時永樂二十年也  
康熙間邑人何星文跡其地建潛龍庵以志之  
賓川州

石

在城南鳳羽鄉石窠中藏一蛇見頭則插  
秧早見腹則及時見尾則旱人以占農

古大羅城

在城東一里俗呼軍營明弘治間掘諸  
地得碑上有大羅城三字因以名衛注

葛城

在城西二里虎踞山遂久廢縣里漢置水經  
相傳為武侯駐兵處

若水

南經雲南郡之遂久縣即金迦葉門俗呼華首  
沙江巡檢司地古稱白門址存

山頂

迦葉波八定之所唐南詔永貞間僧小澄從此  
扣石門入有二僧追之不及大悔恨焚身門外焚處

生二

駒虎澗在雞足山傳為八功德水迦葉於石上  
柏樹

卓錫成泉

雲龍州雲龍舊州在城西浪滄江外三  
清流不竭

雲龍州

雲龍舊州在城西浪滄江外三  
清流不竭

城建學崇禎間始移舊唐廢縣在城南五十里漢置  
於雒馬井即今州治  
昌郡晉咸汴蘇廢縣在城西一百二十里漢置屬益  
康後縣廢汴蘇廢縣在城西一百二十里漢置屬益  
咸和中分河陽郡置河西郡古塔在城北松牧村高  
治汴蘇縣宋齊因之梁末廢  
累成不知其始明隆慶間地  
震中裂萬厯丙子地震復合  
仙人晒丹石在舊城南  
丈周二十丈每雨過有斑  
赤如丹砂拭之則愈明  
鐵杖屨在舊城北丹戛紫  
官段文顯見一老人謂之曰丹戛山石剖之可獲靈  
異語畢不見顯剖石果得鐵杖一鐵屨一即建寺設  
老人像  
祀之

# 楚雄府



楚碓縣

附郭

德江城

在城西北二里宋段氏時高昇泰執國柄封其兄子明亮於此

所築元為威楚路治明洪武中督都袁義謂南山高峻逼近城郭乃請改遷今治又名德江村昔高量城

避位居此一村富民廢縣五年置二十五里元至元十化其德故云

今訛為思政樓在府城中明修有記高量成碑在城阜民

十里紫溪山之糊獠箐大小驃村相傳蒙氏時有野其上字跡磨滅不可讀

原野久之化為龍大者入東南村塢鎮南州和子小者入西南山谷焚人因以名村

城在城東二里唐時閭羅鳳合六詔為石鼓廢縣在城一侵俄碌取和子城即其地今城存

東三十里初欠舍川有城曰雞和唐時蒙氏併六詔征東蠻取和子雞和二城置石鼓縣元憲宗七年立

石鼓百戶至元二十二年改為諸葛營在城東二里

縣屬鎮南州二十四年革為鄉

於此今米湯壩在城東二十五里神龍石在城南三十里

址尚存

元初龍出巨石中化為嬰孩術士經過聞啼聲覓而抱歸行二里許風雨交作遂成一石土人異之立廟祀焉至今巨仙人骨在城東二十里山中有碎石如石孩形尚存

張明亨遺南安州瓦晟吳柵在城東南山巖稠疊

蛻瘞此

祖瓦晟吳紅石巖碑在城東百里明萬厯間都司張立柵其上石巖碑守仁剿野賊至此斬四渠長埋其首立碑於上勒鎮定遠縣南寧廢縣在城南黃壓土夷四字碑存

立百戶於其地至元十二年諸葛營有三一在磨盤改為縣後省入定遠址存

一在法光自久寨在城西三十里化佛山明初土酋山址俱存自久據山為寨以拒官兵被擒赴

京上問叛故對曰奴為主耳天生碑在城東七十里稱旨授以世襲指揮址存萬春山真覺寺

側其碑不琢而成元至正年間提舉廣通縣千戶完者禿書丹其文風雨剝泐不可讀

所舊址在城東卧象山元泰定初置後廢沐寨在城北十五里明初西平侯沐英征刀斯

郎立寨於此今礮嘉廢縣即今州判治明初置人呼為總兵坡礮嘉廢縣嘉千戶所後改為

縣本朝康熙八年黑石在治西一里黑初山元大省入南安州址存定間有星隕化為石狀類

瓜擊之鏗然有聲人不言舉之則動言則弗動土人以為怪積薪焚之雷雨交作衆懼而止嘉靖間知縣

楊江永移黑井提舉司治水塔在司治北背鳳山置土地祠臨龍潭昔有洪水

泛溢因建塔鎮之

李賢者泉

在司治南利潤坊相傳昔有貧

稱李賢者引姬往巖畔以杖指示石裂泉出至今賴之

琅井提舉司

神石司

治西南奇峯山麓石高丈許開井時頗著靈異土人祀之

## 姚安府

姚州附郭

唐古城

在城東十五里唐太守張虔陀築

廢袁州

在城北九十里

唐武德七年置本弄棟廢縣在城北一百二

南接姚州白蠻所居址存

弄棟廢縣在城北一百二

州郡唐置姚州景雲初瀘南廢縣在城東北一百五

御史李知古築城址存

縣名長城屬姚州天寶初更名瀘南十年劍南節度鮮于仲通討南詔大敗於瀘南即此孔明遺

壘

有二一在城東十里

矣保山塔

在城北十五里相傳段正興大寶六

年建實宋紹興二高陀山塔在城北二十里晉天福十四年碑記猶存

尚存一名白塔西南有池清可雲南郡主碑在城東鑑髮塔影倒映池中因名塔鏡

上篆元康三年稽肅碑在城西十七里興寶寺碑在雲南郡主等字

西十八里段智興元亨二始篁先生隱處在城西茨年立實宋淳熙十三年

人代仙安公治在城北金沙江上即古西梁州善無考

提樹在城北白塔旁元兵破大理高泰祥死之一女流亡民間不知弟兄所在因手植善提樹以卜

存亡既而九植皆茁兄弟九人俱無大姚縣武侯恙散處滇黔洪武中皆授上官職

城

在城西馬鞍山麓為武侯南征駐師之所今鐵棧尚存

廢縻州

在城西北二十里本西豫

州唐武德七年置貞觀三年更

南接姚州領縣二磨豫七部

廢徽州

在城西北四十里本西利州

唐武德七年置貞觀十一年更

北接縻州領縣二深利十部

揚被廢縣

在城東七十里唐武

德七年置哀州領揚被馬邑廢縣

在城西北六十里唐樂強二縣南接姚州境

武德四年置尹州

治馬邑縣兼領天池鹽泉甘泉湧泉四縣

其地與髳州接髳州即今縣治後俱廢

武侯陣圖

在城北龍蛟江右壁

白井提舉司

石羊

在司治北蒙氏時有

女牧羊於此其羊舐土驅之不去遂掘

土有石如羊因得鹽泉至今立廟祀之

永昌府

保山縣

附郭

鎮姚所故城

在城東南老姚鳳山之阿明萬歷十三年改永昌所

建又鎮安守禦所在府西南路江外三百五十里萬歷十三年改金齒所建今所裁城俱存

哀牢

廢縣

在城太和坊之東後漢永平中置元為永昌府治明洪武中改為中平戶所軍營

不韋

廢縣

在城東北鳳棲山下漢武帝置徙呂嘉子孫居之以嘉為不韋後因名

諸葛營

在城

南十里昔武侯屯兵於此及還漢人有全勝關在城南

遺留者聚族而居至今呼為舊漢人村全勝關在城南

百里姚關明叅將鄧子龍敗倭草坡在全勝關南鄧

緬於此因建此關舊址猶存在城東南雞村溫泉之北蜀

今草皆下生將臺在城東金雞村溫泉之北蜀

不能上指將臺在城東金雞村溫泉之北蜀

在諸葛營前一小海子內相傳武侯建旗之所

右軍

周匝三十餘大隨水高下雖巨潦亦不能浸

雲南通志

卷之七

書臺

在城南諸葛營東舊有王羲之所書碑刻今皆廢僅存臺址

明詩臺

在城南里許明

郡人張含築舍長於詩楊慎為之題額

看山樓

在城內明戶部侍郎張志淳建樓上藏書萬卷

雄偉奇麗甲於一郡楊升庵題曰鐵樓

安邊定遠樓

在城南十里高五十丈有奇明洪武十

七年建括蒼卻金亭

在城北驛亭明兵備賀元金雞王景常有記

村在城東五里蜀漢呂凱故里今遺址

馬援洞

在城寶蓋山

後青岡壩舊址尚存洞中水流不竭

諸葛井在城東二十五里哀牢山上有二穴相去一寸五分

各圍三尺許形圓如盃水可飲千人夜有火光孟春月居民視井水盈涸以占歲之豐歉相傳武侯鑿以

濟軍

萬箭樹

在城東北四十里天井山北段氏時濮蠻為盜出沒於此行者射其樹以厭之



箭集騰越州

諸葛城在城東高黎貢山分水嶺如蜎騰越州舊傳武侯所築一夜而成羅

密城

在城北二十里舊為蠻酋所居濠塹猶存又州西二里平原中有西源城遺址相傳為段氏所

築順江廢州

在城南二十里元至正七年酋長樂孫求內附立宣撫司

尋又

古勇廢縣

在城西一百里元至元中置尋廢

越甸廢縣

在城東北四十

里元至元中置尋廢

尚書營

在城北三十里明靖遠伯王驥駐兵處

鎮夷石堆

在城

西南三十里矣羅山後高丈餘武侯屯兵處

黃牛石

在城西北二百五十里馬回關山旁壁上

土人遠涉險阻必祭而後行

永平縣

博南廢縣

在城南後漢置其地今名江東

村諸葛寨

在城北三里武侯駐兵之所

石塔

在城西潞江兩岸相傳武侯征孟獲時建

有大樹裏塔  
陰周十餘畝

# 鶴慶府

廢守禦所

在城北四十五里明洪武二十年置本朝康熙五年裁諸葛寨在城南一

百四十里羅陋松桂營在城南六十里明潁川侯傅村武侯駐兵處松桂營友德征佛光寨駐兵於此

清虛閣

在城北八里明知府馬卿建吳堂作記閣跨白龍祠山麓山巨數十里最高一峯名金山

有泉下注為白龍潭贊陀石洞在城東十里石寶山頂之陰昔為白龍潭贊陀石洞西僧贊陀崛哆自西竺來栖此

一盃水

在城東南大城坡頂昔蒙象跪石在城北八里軍過此渴甚斫地得水象跪石在城北八

牙肯元世祖自麗江乘一劍川望德城在城南三里周白象至此象跪不行因名劍川州望德城在城南

五百丈段氏所築今名水寨村又東北羅魯城在城  
段氏里有城即元世祖入大理駐師處  
五里唐時築千光如來像在城南三里水寨村蒙氏  
今名瓦窑村  
流取以刻像  
號千光如來

## 順寧府

守禦所故城

在城西南二百里矣堵十三寨之中右  
甸川之西山麓明萬厯間巡撫陳用賓

築為郡城藩蔽周二百丈有奇今遺址尚存

慶甸廢縣

在城南八里元天  
厯元年置明洪武

十五孟獲遺寨

在城南一百八十里孟獲為武  
侯所縱南走慶甸今有遺址聚書

樓在府東城內土知府猛寅購經諸葛碑在猛緬之

史子集建樓貯之又名萬卷樓  
邦鳳山碑

文鮮剥多

中阿山銘

明正德中有人於中阿山鋤田得一石方尺許上有鐫文曰襟

不可辨

中阿山銘

明正德中有人於中阿山鋤田得一石方尺許上有鐫文曰襟

田

中阿餘尚有十數字剥落難辨

武侯石柱

在右甸

田畦間相傳武侯觀音接路

在城北阿魯司泥山當

製以懾服羣夷者

一夕風雨忽成坦

三台相井

在二台山東北百里舊

途傳為大士顯靈

三台相井

志謂武侯平蠻軍至此

苦無水見一老嫗指地得泉味甘

江流佛像

在城東

洌因呼為觀音井亦名三台相井

江流佛像

在城東

明嘉靖中土人漁於蘭滄江忽見江水

雲州

大侯

逆流視之乃銅觀音像遂奉於萬慶寺

雲州

大侯

州故城

在城南即州舊治與雲夢接壤土名大侯寨

明正統三年改為州土酋奉氏世為知州萬

歷間有奉赦奉學弟兄不相能分上下二衙赦居大

侯為上衙學居下衙去大侯南十里不受制於赦雲

侯為上衙學居下衙去大侯南十里不受制於赦雲

夢土官猛廷瑞學婿也助學構兵二十五年討平之  
改雲夢為新州赦守大侯如故後赦子奉光復抗命  
二十六年再討之改為雲州州舊係土城三  
十一年遷於大栗樹鎮為今州治故城存  
猛氏寨  
在城東一百二十里  
上有龍馬泉溫泉

## 永北府

廢順州在城西一百二十里唐時地名牛睽南詔徙  
諸浪人居之與羅落蠻雜處元初內附至元  
十五年置順州屬麗江路明洪武十五年改屬鶴慶  
府萬曆二十八年築土城本朝康熙八年省州入  
府三十八年以其浪蕩廢州在城北八十里地名羅  
地改屬永北府其羅落麼些蠻世居之  
元至元九年內附改浪峨舊縣在城南三十里浪峨  
為州明天啓中廢浪峨舊縣村蒙氏時築遺址尚

存 祭鋒臺

在城南二十里武侯征南時祭劔於此

石壁觀音像

在城東山石壁

間唐吳道子筆

# 麗江府

通安廢州

在城東三里昔名三昧濮獬蠻所居其後廢些蠻葉古年奪據漢為定笮縣地屬越

為郡唐改定笮曰昆明屬舊州天寶後為越析麼些詔元憲宗三年內附中統四年以麥良為三昧管民

官至元十四年置通安州屬麗寶山廢州在城東二江路明因之本朝省入府

漢越舊郡西境後漢屬永昌唐為麼些蠻所據元憲宗三年內附名其寨曰茶罕忽魯罕至元十四年置

寶山縣尋陞為州屬麗江明廢蘭州在城西南三百因之本朝省入府址存

郡西北境後漢永昌郡地唐屬南詔為盧鹿蠻所居  
元憲宗四年內附隸茶罕章管民官至元十二年置  
蘭州屬麗江路明洪武十五年改屬鶴巨津廢州在  
慶後仍歸麗江本朝省入府址存  
西北三百里舊名羅波九腴西鄰吐蕃麼些大酋世  
居之元憲宗三年內附至元十四年於九腴置巨津  
州屬麗江路以鐵橋為南詔吐蕃交會之臨西廢縣  
大津渡故名明因之本朝省入府址存  
在城西北四百六十里巨津廢州之西蠻名羅哀間  
居民皆麼些二種蠻元至元十四年置臨西縣以西  
臨吐蕃故也隸巨津州明洪武十五年改屬麗江府  
正統二年為番人所據僅存一寨今名他照和村  
鐵橋址在廢巨津州北一百三十里為南詔與吐蕃  
交會處鐵橋之建或云吐蕃或云隋史萬歲  
及蘇榮或云南詔閣羅鳳異牟尋歸唐時斷以絕吐  
蕃橋南有鐵橋城為吐蕃十六城之一嘗置鐵橋節

度於此橋所跨處穴石鑄鐵大匱寨遺址在廢寶山

為之冬日水清猶見鐵環

些蠻兄弟七人居之曰大匱曰羅邦曰羅寺曰礙塲

曰卞頭塲曰當坡羅塲曰當郎將元世祖南征至大

理俱芝山洞在城北雪山西南麓林木幽巖畔有

內附芝山洞

在城北雪山西南麓林木幽巖畔有

石鼓

在城西七十里金沙江邊相傳武侯南征立以鎮土番

## 蒙化府

巔岵圖城

在城西北巔岵山周圍四百餘丈昔細奴邏築此城以居今尚有所遺石柱又府東

梅子箐山頂亦有城基周圍十

六門其規模又倍於巔岵焉

蒙舍故城在城北十里古城

村張氏讓國蒙詔築

定邊廢縣

在城東南一百里唐時為濮落蠻所居地

城以居今舊址猶存



曰南澗元初於南澗置定邊縣隸鎮南州尋廢明初復置縣隸楚雄府本朝雍正七年省入蒙化府

蒙化廢衛

在府東城內明洪武二十三年裁金牛山寨在

西南十里昔蒙氏屯蒙氏寨在城北二十五里孤峯營之所遺址尚存

今尚有瓦礫鐵柱在城東箐口北一里高七尺徑三

雷石之類鐵柱尺相傳武侯南征時鑄上有建極

十三年壬辰四月庚午朔十有四日癸丑鑄十九字

按建極乃南詔酋龍僭號恐年久剝落當時添補之

也盟石在城北二十里唐時張樂進求遜國細奴邏

上猶有石箭徑二寸上銳如鏃下圓如幹相傳武侯

景東府

玉筆城

在城西景董山明洪武中建衛城復於山巔別為小城周圍三十餘丈東開一門本朝

康熙九年建營於此名玉筆城景東廢衛在城西北五里明洪武二

十六年裁城址猶存

塚墓

附

雲南府

隋爨王墓

在府東十五里題曰昆明隋西爨王之碑在成都閭邱均撰文洛陽賈餘絢書丹碑今

無唐河東刺史王仁求墓在廢三泊縣南二十元梁存

王墓

有二一在府西進耳山王名博囉一在安寧平頂山

咸陽王薩達克齊墓

在府

東五里

明王忠文公禕墓

在府東二里地藏寺後

都督沐璘墓

在府

西北十餘里普吉村

都御史李純墓

在府西玉案山

贈光祿少卿毛玉

墓

在府西十里班莊村

兵部侍郎孫清愍公繼魯墓

在府西北里許

光

祿少卿施昱墓

在府西十里朝宗山

贈刑部尚書嚴嵩墓 贈

刑部尚書嚴鎮墓

俱在府東六里歸化寺前

吏部尚書嚴恭肅公

清墓

在府東北羊腸村後

都御史朱運昌墓

在府東十里麥沖山麓

兵部

尚書傅忠壯公宗龍墓

在府西十里棋盤山下

巡撫四川都御

史馬乾墓

在府西北普吉村

叅將沐詳墓

在呈貢縣東南十里洛龍河

贈

吏部尚書楊情墓

贈吏部尚書楊福山墓

俱在安寧州太

係都御史張素墓

在安寧州西二十里龍從山

曲靖府

元梁王墓

有八在府東羅漢山諸處

明光祿少卿胡潔墓

在府東六十里

廢越州城北

巡撫陝西都御史唐時英墓

在府北五里白石江上

布

政使朱家民墓

在府西十五里王家屯

吏部主事李希揆墓

在府

南任烈婦墓

在府西五里

有碑

臨安府

元董莊愍公文彥墓

在府西

羣節墓

在府北白鶴鋪元末盜起回回

羅壘丹等四十一人隱居山谷中盜脅之不從俱被害身首異處經宿復合衆異之叢葬於此明江

孝子墓

在府北一里孝子不知何處人任本府通判有孝行天順庚申卒葬於此題臨安別駕孝

子江

副都御史王恩民墓

在府西

南京操江僉都御

史蕭崇業墓

在府北

贈吏部侍郎包萬化墓

吏部

侍郎包見捷墓

俱在白鶴山

都指揮僉事萬城墓

在府東

龍郭夫人虛墓

在河西縣西五里普應山縣令廣西山蔣良之妻疾終厝於此扶喪歸

縣人慕良德政為營虛墓有參政  
宋應登撰蔣公郭夫人虛墓碑

# 澂江府

漢漢興亭侯李恢墓

在府西五里

宋丁連然君墓

在江川縣北三

十里北山上覆巨石有耕者坐於上石忽動耕者驚異啓視之上勒丁連然君神道按宋史太宗時有交

王丁連然來朝疑即其人

元右丞相伊喇墓

在府東三里缺摩山

臨安路總

管段文瑞墓

在府東北重珠山

武德將軍閑里伯墓

在路南紫

玉明御史王昭墓

在府南官南山洪武間流寓

# 武定府

元行省叅政安慈塚

在府東北三里龍三藏

烈婦墓

在府南舊和曲州名

氏不可考

## 廣西府

明叅政李公墓

在府北山麓委勘事卒葬此建有廟名籍無考

光祿大夫太

子少傅兵部尚書楊繩武墓

在彌勒州南玉枕山

## 大理府

漢白王墓

在府北十五里無為寺後

唐天寶戰士塚

即萬人塚一在府南龍尾

關東一在趙州北唐天寶中鮮于仲通李宓伐南詔戰亡士卒閤羅鳳收葬之

御史杜光庭

墓

在府西南玉局峰下光庭流寓南詔以文章  
教蒙氏之民卒後蒙學士爨恭葬之於此  
段赤

城墓

在府南二十里赤城誅蟒  
除害人德之為之立墓  
五代悼康墓在浪穹

根村南詔趙善政偽  
諡悼康歿葬於此

元安撫瑪蘓庫墓

在府東龍佑

五子治鶴慶  
大理二路

明大軍封

在府西南一塔寺後潁川侯  
取大理時斂亡卒而封之

翰林李元陽墓

在府西北三塔寺右

都御史趙汝濂墓

在府南龍尾關

麓

汝南王妃墓

在府西北雪山永樂間  
封王於大理妃姓丁氏

叅政鄒堯臣

墓

在趙州象山

給事楊志墓

在鄧川州南六里正  
統中從戎卒葬此

兩忠墓

在浪

穹縣潛龍庵旁建文從亡  
臣葉希賢楊應能葬處

御史趙昇墓

在賓川州  
排柵營



楚碓府

元金牌司墓

在廣通縣羅直甸西山傳為元時亞中大夫威楚開南等處總管高禾成葬處

明副使楊文烈公畏知墓

在府北三里

姚安府

戰國楚小卜墓

在府西北楚莊蹻之將平定滇中戰歿葬此

永昌府

漢陽遷亭侯呂凱墓

在府東金雞村

哀牢夫人墓

在府東哀牢山

三

國漢孟優墓

在府南八十里地名猛波羅

唐杜光庭子墓

在騰越州南龍

鳳山光庭將子八南詔王狀元墓在府北大寺山其名無考元騰

子卒葬此其名無考衡府知府高泰墓在騰越州南龍鳳山騰衝府知府孟光墓在騰

越州北千明戶科給事中陳以仁墓在府南龍泉門外圓通寺後洪

我寺左武中謫戌金都督僉事胡誌墓在府西九隆山戶部侍郎張

齒卒葬此志淳墓在府南黃竹山贈光祿少卿薛繼茂墓在府東南三十里桃花屯

東河三忠墓在府東關坡孫可望入滇通判劉廷邊在府南姚城標推官王運開竝弟運閤死之葬此戰

士塚有二一在府南姚城東一在松坡營東

鶴慶府

明副都御史彭富墓

在府西大坪

光祿寺少卿楊掄墓

戶部右侍郎楊芳盛墓

俱在府南班登山

贈光祿寺卿段恭

節公高選墓

在劍川州西門外

光祿卿楊朝棟墓

在劍川州南六里鍾

賢嶺石龍寺後

## 蒙化府

明御史雷應龍墓

在府南雞鳴山

山人范寅墓

在府北天策堡其子范運

吉親負土石累成

光祿卿左重墓

在府南梯子坡

太僕卿周二南墓

在府東屏風山

本朝徐烈女墓

在府北教場本府同知陳文成與闔郡士民公葬

雲南通志卷二十六